

LA STROBILO

KONGRESA KURIERO DE L' 70a UNIVERSALA KONGRESO DE ESPERANTO EN AUGSBURG 1985

sub la aŭspicio de MONATO internacia magazino sendependa, Antwerpen/Augsburg

Internacia redakcio sub gvido de
Stefan Maul, Thomas Bormann kaj Paul Peeraerts

N-ro 1
sabato, 3 aŭgusto

STROBILO

Strobilo estas la konusforma frukto de diversaj arboj, ekzemple de l' **cembro**. La cembra strobilo estis antikva simbolo de fekundeco kaj romia legionara signo. Augsburg, fondita de romianoj, heredis de ili ankaŭ ĉi tiun simbolon: ĝi iĝis la urba blazono. Ke la aŭgsburganoj nomas ĝin **Zirbelnuß**, estas pravigebla per tio, ke efektive oni povas manĝi la cembronuksojn. Tamen ili malprave nomas la blazonon "nukso" - la blazono mem ja estas la **strobilo**. Kaj ĉar la Kongresa Kuriero kompreneble estas ekzakta, ni elektis por ĝi la titolon **LA STROBILO**. La blazonon aparte por la Kongresa Kuriero desegnis J. M. Ipfelkofer, ano de la LKK.

LA STROBILO aperos sesfoje dum la 70a UK, en jenaj tagoj:
n-ro 1 sabato, 3 aŭgusto
n-ro 2 lundo, 5 aŭgusto
n-ro 3 mardo, 6 aŭgusto
n-ro 4 merkredo, 7 aŭgusto
n-ro 5 vendredo, 9 aŭgusto
n-ro 6 sabato, 10 aŭgusto

Do ĝi ne aperos dum dimanĉo kaj ĵaŭdo de l' kongresa semajno.

Dum la aper-tagoj vi povas ricevi vian senpagan ekzempleron ĉe la enirejo plej malfrue je la 9 h. Se vi venas al la kongresejo nur poste dum la tago, demandu ĉe la stando de MONATO/KONGRESA KURIERO.

Liveru raportojn por la kuriero plej malfrue ĝis la 20 h de l' antaŭa tago!

NOVAJ FUNKCIULOJ

Kunlaborantoj en la laboro de LKK, kies nomoj ne jam aperis en la Kongresa Libro, estas:

Magnetofona Servo: s-ro R. Wagner, n-ro 1478

La Germana Eksprese: s-ro J. Schiffer, n-ro 532
s-ro W. Hauke, n-ro 1797

Konversaciaj Rondo: s-ro W. Posthuma, n-ro 870
s-ino L. Palczewska, n-ro 325

Fotoservo: s-ro W. Wiegand, n-ro 699
s-ro L. Nikov, n-ro 1989

Gazetara Servo: s-ino E. Bormann, n-ro 155

Multajn dankojn al ĉiuj niaj helpantoj, kiuj kutime laboras volontule kaj senpage! Ni publikigos la nomojn de aliaj funkciuloj laŭbezono.

Partoprenantoj en la Cseh-kurso por komencantoj aŭ la Cseh-seminario estos sub la gvido de s-ro S. Keller, n-ro 1215, kiun asistos s-ino M. van der Horst-Kolińska, n-ro 266.

LA STROBILO BONVENIGAS VIN EN AUGSBURG!

Karaj kongresanoj, apud la multaj aliaj, kiuj bonvenigas vin en la urbo de l' 70a UK, ankaŭ la Kongresa Kuriero kore salutas vin kaj deziras al vi agrablan restadon!

Ke ĝi estu tia, por tio i.a. servas ankaŭ LA STROBILO, en kiu vi trovos dum la kongreso aktualajn informojn el la mondo kaj el la intima internacia mondo de l' kongreso. Sed la Kongresa Kuriero ankaŭ krome estas je via servo, ekzemple se vi volas meti en ĝi anoncon, anonceton aŭ reklamon; tiukaze venu al la oficejo de LA STROBILO, kie vi ricevas koncernajn informojn. Kaj kompreneble la internacia redaktantaro de l' kuriero estas danko pro viaj sugestoj, proponoj kaj kritikoj.

TAGO DE LA PACO

Apartan kaj kroman akcenton ricevis la ĉi-jara UK per la engaĝiĝo de pluraj personoj pri la temo paco. Iomete vi povis legi pri la Tago de la Paco jam en la kongreslibro p. 46. Jen kromaj kaj pli detalaj informoj pri ĉi tiu nova iniciato dum UK.

LKK pro la aparta ligiteco de Augsburg al la temo de paco kaj pro la fakto, ke dum la kongresa semajno estas kaj la memortagoj de Hiroŝima kaj Nagasaki kaj la Pacofesto de Augsburg, jam tre frue planis, dediĉi apartan tagon al tiu ĉi temo. Pro organizaj obstakloj tamen ne eblis, dediĉi mardon (Hiroŝima) aŭ ĵaŭdon (Pacofesto) al la temo. Nun la Tago de la Paco do estas **lundo, 5 aŭgusto** - sed LKK opinias, ke ne tiom gravas, kiun tagon oni prenas.

En la centro de la tago estas **La Ludo de la Paco** laŭ la

libro de Bernard Benson kaj aranĝita por teatro de Wolfgang Gutfleisch. Prezentas ĝin lernantoj, kiuj speciale por la UK pro tio lernis Esperanton. La "pacoludo" akompanas kaj kompletigas ekspozicio pri paco, kiun kompilis pluraj germanaj kaj japanaj esperantistoj; precipe kontribuis al ĝi MONATO per kolekto de artikoloj pri la temo.

La dua kulmino estas teatraĵo **La aŭgsburga kretocirklo**, scenigita novelo de Bert Brecht, la fama germana verkisto naskita en Augsburg. Por la teatro aranĝis ĝin la konata aŭgsburga Breĥt-esploristo Werner Frisch, tradukis ĝin Jomo Ipfelkofer. La "kretocirklo" traktas la temon paco en la individua, interhoma sfero.

Efektive temas kaj ĉe la "pacoludo" kaj ĉe la "kretocirklo" pri **premieroj**, en la kazo de l' "kretocirklo" eĉ pri **mondpremiero**, ĉar la teatraĵon oni ĝis nun ne prezentis en germana lingvo!

salono Pickel (apud la restoracio de la kongresejo) gazetar-konferenco. Donos informojn pri la enpenetro de la Internacia Lingvo en la sciencojn la rektoro de IKU, profesoro d-ro Frank, kaj la unua prezidanto de la Akademio Internacia de la Sciencoj SanMarino, profesoro d-ro Fabricio Pennacchietti.

Pluraj germanlingvaj revuoj ne povos sendi ĵurnaliston sed petas raporton fare de sciencista kongresano. Help-pretaj kaj iom spertaj kongresanoj, kiuj komprenas la germanan, estas bonvenaj - ĉu por kontentigi la menciitajn raportopetojn, ĉu por memstare sendi raportojn al gazetoj, revu- kaj radio-redakcioj.

Speciala raporto pri la AIS San Marino estos donata samloke mardon de la 9a ĝis la 11a fare de speciala delegito el San Marino.

program-ŝanĝoj

Principe ni intencas ŝanĝi la programon kiom eble plej malmulte. Tamen, ni foje ne povas eviti tion; por mildigi la ĝenon, ni sciigos en la kongresejo la ŝanĝojn, espereble per surekrana projekciado de la tagprogramo, ĉe kiu ni indikos la ŝanĝojn ruĝe.

Jam nun ni petas vin noti jenajn modifojn:

Lunde: "Agado ĉe UN" forfalas
Marde: "Agado ĉe UN" okazos de 9.00 h ĝis 10.00 h en salono Pickel.

Merkrede: la Filozofia Simpozio daŭros de 16.00 h ĝis 18.00 h en salono Pickel.

Vendrede: estos kunsido de Monda Turismo en salono Pickel de 9.00 h ĝis 11.00 h.

Raportoj pri la kongresoj, kiuj okazis antaŭ la UK, aperos en la lunda eldono de STROBILO.

ESPERANTOLOGIA KONFERENCO

"Pasinteco kaj estonteco en la evoluo de la lingvo Esperanto" Sub tiu ĉi ĝenerala temo okazos la Oka Esperantologia Konferenco de la 9a ĝis 13a horo merkredon, la 7an de aŭgusto en salono Grabowski. Organizas la konferencon la Centro de Esploro kaj Dokumentado pri la Monda Lingvo-Problemo kaj prezidas d-ro Humphrey Tonkin, la direktoro de la Centro.

La programo konsistos el jenaj eroj:

D-ro Detlev Blanke (GDR):

"Kio estas planlingvo?"

D-ro Werner Bormann (FRG):

"Esperanto-kulturo kaj fremdaj vortoj"


Inĝ. Felix Garcia Blazquez

(Venezuelo): "Transitiveco de la verbo aŭ transitiveco de la ago"

Prof. Istvan Szerdahelyi (Hungario): "La plej novaj rezultoj de la analizo de Universala Vortaro de Zamenhof"

D-ro Victor Sadler (Nederlando/Britio) kaj d-ro Klaus Schuberth (Nederlando/FRG): "Aktuala stato de la projekto Distribua Lingva Tradukado"

La tri unuaj eroj okupos la unuan parton de la konferenco, de la 9a ĝis proks. 11a h, la tri aliaj parolantoj okupos la duan parton. Estos okazo por demandoj kaj diskutoj.



LA STROBILO

KONGRESA KURIERO DE L' 70a UNIVERSALA KONGRESO DE ESPERANTO EN AUGSBURG 1985

sub la aŭspicio de MONATO internacia magazino sendependa, Antwerpen/Augsburg

Internacia redakcio sub gvido de
Stefan Maul, Thomas Bormann kaj Paul Peeraerts

N-ro 2
lundo, 5 aŭgusto

SOLENA INAŬGURO EN TRE DEKA KAJ AGRABLA ETOSO

Pli ol 2300 UK-anoj kaj gastoj ĝuis varian programon

En ĉeesto de multaj gastoj - preskaŭ mankis sidlokoj en la sport-halo - okazis la solena inaŭguro de la 70a UK. Diplomataj reprezentantoj de pluraj landoj salutis la kongresanojn, parte en la internacia lingvo. Interalie la usona reprezentanto alparolis la aŭskultantaron en neriproĉinda Esperanto. La ambasadoro de Ĉina Popola Respubliko en sia parolado, por kiu li ricevis fortan aplaudon, emfazis la apartan gravecon de internaciaj kontaktoj por lia lando kaj la tiurilatan signifon de la venonta UK en Pekino.

La ĉefurbestro de Augsburg, Hans Breuer, per tre afablaj vortoj bonvenigis la kongreson kaj certigis al ĝi siajn subtenon kaj simpatian. Aparte impresis lin, ke li "estis la sola, kiu bezonis interpretiston". Tiajn problemojn ne havis la partoprenantoj de la infana kongreseto, kiuj poste salutis siajn "gepatrojn". Profesoro Humphrey Tonkin tre lerte eksplikis la kongresan temon, ĝiajn signifon por Espe-

ranto, por Augsburg kaj por la tuta mondo, kaj per tio donis bonan fundamenton por la dumkongresaj diskutoj. Poste mag. William Auld prezentis pli detalajn aspektojn de la kongresa temo "Antikvo kaj Moderno - kion ŝanĝi, kion konservi?" Orkestro kaj koruso faris siajn kontribuojn al la bonega etoso per prezento de paco-kanto kaj "subteno de la komuna kantado de La Espero".



En agraba kaj solena etoso evoluis la inaŭguro. Nia bildo montras la podion kun la estraro de UEA dum kantado de "La Espero".

Salutintaj diplomatoj dum la solena inaŭguro:

Aŭstrio: s-ino Wiedermann, vickonsulo

Burkina Faso: prof. Walter Heubl, ĝenerala konsulo

Ĉina PR: Lia Ekscelenco Guo Fen-min, ambasadoro

Danlando: s-ro Ernst Hansen, konsulo

Italio: s-ro Luciano Koch, ĝenerala konsulo

Usono: s-ro Gregory Lynch, konsulo (salutis en Esperanto)

Krome salutis d-ro Dieter Rogalla, membro de la Eŭropa Parlamento, kaj s-ro Tom Arbo Hæg en la nomo de la registaro de Norvegio. Ceestis en la Inaŭguro ankaŭ d-ro Attila Király, unua sekretario kaj kultura ataŝeo de la ambasado de Hungario, kaj s-ro Hong Shannan, unua sekretario de la ambasado de Ĉina PR.

EKSKURSONTOJ ATENTU!

La ekskursaj servo informas:

La tuttagaj ekskursoj **A1, A2, A3** kaj **A4** komenciĝos je la **8a horo, ĵaŭde**.

La duontagaj ekskursoj al **Munkeno** komenciĝos je la **12a horo**.

La urba rondveturo tra **Augsburg** komenciĝos je la **14a horo**.

La duontaga ekskurso **B4** al **Pfaffenhofen** komenciĝos **merkrede** je la **12a horo**.

Atentu: ĉiuj busoj forveturas de la placo antaŭ **sport-halo**, kie estis la inaŭguro. Bonvolu esti akurataj.

Telegramo al
Konferenco pri Sekureco kaj Kunlaboro en Eŭropo Helsinki:

Universala Esperanto-Asocio, kunvenante en Augsburg, sendas siajn salutojn al la finna registaro kaj la aliaj subskribintoj de la Fina Akto de Helsinki okaze de ties deka datreveno. La Fina Akto reprezentis signifan paŝon antaŭen en la internacia kunlaboro. En tiu senco ĝiaj celoj koincidas kun tiuj de la Esperanto-movado, kiu instigas kaj faciligas la kompreniĝon trans landaj kaj lingvaj limoj. Ni esperas, ke tia kompreniĝo vaste pliboniĝos en estontaj jaroj, ĉar ĝi konsistigas la plej bonan fundamenton de daŭra internacia paco.

Grégoire Maertens
Prezidanto
1985-07-31

Ni atentigas, ke la Fina Akto estas havebla en Esperanto-traduko ĉe la kongresa libroservo por 1,00 DM (germ. markoj).

KRONACH ATENDAS VIN

Al la postkongresa **Internacia Feriosemajno en Kronach** aliĝis ĝis la pasinta vendredo entute 194 personoj el 20 landoj kaj 4 kontinentoj, inter ili 83 viroj kaj 111 inoj. Se vi volas aliĝi al la Feriosemajno, venu laŭeble baldaŭ al la koncerna ĝiĉeto en la kongresejo! Ni faros ĉion eblan; sed ĉar ni en Kronach konkurencos kun la samtempe okazonta festo de "Libera Pafado", la plej granda festo de la regiono, ni devas en ĉiu unuopa kazo kontroli, ĉu loĝejoj estas je nia dispono. Pro tio la ĝiĉetodeŝortantoj kutime ne tuj povas jesivan tiurilatan demandon, sed eventuale petos vin atendi iom da tempo.

Por aliĝantoj el landoj kun devizaj malfacilaĵoj ni devas trovi patronojn, kiuj transprenas la pagojn de la aliĝkotoj. En nia malgranda urbo estas multaj favorantoj de nia afero, sed la nombro de financuloj estas ne malelĉerpebla. Do, se iu ankoraŭ emas aliĝi al la postkongresa feriosemajno kaj eventuale pretas atendi iom da tempo, ĝis ni mem estos ricevintaj jesan signon el Kronach, li aŭ ŝi aliĝu!

Armin Grötzner

AKTUALE

Vetero: serena, foje nuba ĉielo kaj preskaŭ ne risiko de pluvo.

Usono: 132 homoj mortis pro akcidento en la flughaveno de Dallas/Fort Worth en vendredo. Probable orkano kaŭzis ĝin.

Suda Koreio: La sudkorea opozicia politikisto Kim Dae Jung depost sabato denove rajtas forlasi sian hejmon. Je ĵaŭdo kaj vendredo okazis la partia kongreso de la opozicia Nova Demokrata Partio de Koreio, kiu intencis oferti al Kim postenon de konsilisto. La registaro minacis aresti lin, se li akceptas tion.

Francio: 35 homoj mortis kaj 48 vundiĝis pro kolizio de du trajnoj en la franca urbo Flaujac en sabato; kaŭzo estis malĝusta signalo.

Usono: Miloj da homoj memore al la unua atombomba ĵeto en Hiroŝima (6a de aŭgusto 1945) manifestaciis dimanĉon en la usona ĉefurbo Vaŝingtono por la paco en la tuta mondo. Partoprenis la manifestacion ankaŭ japanoj, kiuj transvivis la katastrofon.

Sovetio: En gaja kaj nepolitika atmosfero finiĝis la 12a Monda Festivalo de la Junularo kaj Studentaro en Moskvo kun ĉ. 100 000 partoprenantoj. TEJO estis reprezentita de la estraranoj s-ino Elisabeth Schwarzer kaj Maŝa Vanĉurova. La prezidanto de TEJO, s-ro Ian Jackson, ne povis flugi al Moskvo, ĉar la sovetiaj instancoj ne liveris la vizon ĝustatempe.

VIRINA AGADO

Restas ankoraŭ lokoj en la seminario, merkrede la 7an. Vidu prezentadon en la kongresa libro, paĝo 47.

Eblas anonciĝi dum la publika kunsido, kiu okazos rekte antaŭ la seminario.

Teatro marde!

Bedaŭrinda eraro okazis sur la programfolio pri la Teatra Vespero. Ĝi nek okazos la 4-an de aŭgusto nek je la 16h30. Fakte ĝi okazos marde la 6-an de aŭgusto je la 20-a horo. Bv. atenti la korekton.

Surprizo dum la balo

Nepre ne maltrafu la komencon de la balo hodiaŭ vespere! Tiam prezentiĝos al vi surpriza donaco de la kongresurbo. Ni ne volas informi vin jam pri detaloj - tiukaze ja ne plu estus surprizo - sed tiom ni povas diri: estas interesa historia spektaklo! Multan plezuron!

HARMONIA ETOSO EN FAMILIECA ANTAŬKONGRESO 40 partoprenantoj el 12 landoj en Oberkirch

OBERKIRCH (pck). La loka Esperanto-Grupo kaj la naturamikaj esperantistoj organizis antaŭkongresan feriosemajnon de la 27a de julio ĝis la 2a de aŭgusto en la idilia urbeto Oberkirch en Nigra Arbaro (FRG), kiun partoprenis 40 gesamideanoj el 12 landoj.

Dum la interkona vespero Margot Hektor, prezidantino de la Esperanto-Grupo, povis bonvenigi ankaŭ reprezentanton de la urbo, skabenon Seiler, la prezidantinon de la Landa Asocio de "La Naturamikoj", Marlise Kober, kaj la estron de la loka naturamika grupo, Kurt Zureich. En la kadro de tiu vespero skabeno Seiler distingis nome de la ministroprezidanto de Baden-Virtembergo sinjoron **Walter Popeck**, honoran prezidanton de Esperanto-Grupo Oberkirch, per la honor-insigno de la federacia lando kaj substrekis en sia parolado la multajn meritojn, kiujn Popeck akiris per sia honor-ofica laboro por la Esperanto-movado dum pli ol 50 jaroj.

La organizantoj prezentis al la gastoj el tri kontinentoj varian programon. Kulmino estis tuttaga ekskurso dum bela vetero. Per aŭtobuso oni unue vizitis la mondfaman banlokon Baden-Baden, kie oni unue vizitis (sed nur por rigardi) la monlundejon, la plej malnovan en Germanio kaj (laŭdire) la plej belan en la mondo. Post promenadoj oni veturis sur la altaĵojn de la norda parto de Nigra Arbaro, de kie oni ĝuis belegan panoramon al la Rejn-ebenaĵo ĝis la montoj Vogezoj en Francio.

Apud la fama lageto Mummelsee, kiun jam priskribis la eminenta germana poeto Grimmelshausen en sia fama verko "La aventuroj de Simplicius Simplicissimus", oni haltis por promenado ĉirkaŭ la lageto. Freudenstadt, konata turisma loko en Nigra Arbaro, estis la posta celo. Post kafopaŭzo oni reveturis tra la idilia Renchvalo kaj haltis en Lautenbach, por tie rigardi la pilgriman preĝejon, veran juvelon el la malfrua mezepoko.

TAGO DE LA PACO

Kiel ni jam informis en la unua eldono de LA STROBILO, la hodiaŭa lundo estas "Tago de la Paco". Krom la jam menciitaj prezentaĵoj vi povos ĝui hodiaŭ rekte post la mondpremiero de la "Aŭgsburga Kretocirklo" alian premieron:

La kabaredaĵo **La Pinto** estas verkita speciale por la UK en Aŭgsburgo. **Stefan Maul**, redaktoro de MONATO, verkis ĝin okaze kaj sur la fono de la 2000jara jubileo de Aŭgsburgo kaj plektis en ĝin aktualajn problemojn de paco kaj malararmado. Ke por tio li elektis la formon de satiro kaj kabaredo, ebligas al li, sufiĉe akre reliefigi la temon.

Pliajn detalojn pri la diversaj teatraĵoj vi trovas en la koncernaj programfolioj.

Pri la Tago de la Paco kaj la

Aparte alloge estis observi la laboron de tortobakisto, kiu pretigis la faman ĉeriztorton de Nigra Arbaro, kiun la gastoj tuj poste rajtis konsumi. Ankaŭ lignoskulptiston oni povis observi dum laboro kaj tre interese estis ankaŭ la vizito al la malgranda, sed riĉenhava urba muzeo, kiu havas priskribon de la eksponaĵoj eĉ en Esperanto.

Oberkirch nomiĝas "urbo de la vino de la regiono Ortenau". Tial vingustumado en la loka vinprodukta kooperativo ne mankis. Tuj poste oni trairis la proksiman kaj sufiĉe longan Esperanto-straton. Promenado al la kastel-ruino Schauenburg kaj la multaj vitejoj kompletigis la varian programon.

Dum pluva vetero, kiu unu fokon malebligis migradon, Walter Popeck montris diapozitivajn pri la plej bela parto de la Rejn-valo inter Bingen kaj Koblenz. Vespere la partoprenantoj kunvenis en ĉiam alia gastejo de Oberkirch, kie oni ĉe glaso da bona vino aŭ alia trinkaĵo gaje kaj senĝene povis interbabili. La adiaŭan vesperon organizis la naturamikoj subĉiele, aranĝante kradrostadon de kolbasoj kaj stekoj. La gastoj senrezerve esprimis sian kontenton pri la organizado kaj la harmonia etoso, kiu regis en la kvazaŭ familia antaŭkongresa rondo.

KRITIKI ESTAS FACILA
Tio koncernas ĉefe atakintojn de la Akademia Teorio de la vortfarado, kiun multaj atakis kaj ĝis nun neniu anstataŭa teorio aplikebla al instruado aperis. Tamen ...

japanaj kontribuaĵoj al ĝi vi ricevis apartan broŝuron en la kongresa dokumentujo.

Domaĝe estas sendube, ke pro evidenta misplanado oni metis la kunvenon kun la temo La Tago de la Paco **samhore** kun **Kretocirklo** kaj **La Pinto** en la programon. Nun restas al vi nur elekti inter ambaŭ ...
S. Maul

Se vi ankoraŭ ne konas
la unikan E-revuon
MONATO

internacia magazino
sendependa

dum la tuta kongreso vi
havas okazon, ekkoni ĝin
ĉe la stando de
MONATO

De la ĉefenirejo de la kongresejo iru en la dekstran angulon de la vestiblo. Vi ne pretervidos ĝin.



Gaja rondo de partoprenantoj de la antaŭkongreso en Oberkirch partoprenis ankaŭ lokan feston.

Invito al inform-kunveno pri la AKADEMIO INTERNACIA DE LA SCIENCIOJ SAN MARINO

Hodiaŭ, lundon, alvenos el Moskvo speciala delegito de la Ministrino pri Kulturo de San Marino, por raporti al la interesitaj partoprenantoj de la 70a Universala Kongreso pri la situacio de la nun leĝe aprobita Akademio Internacia de la Sciencoj (AIS) San Marino. S-ro Venturini raportos morgaŭ matene ek de la **10.00 horo** en salono **Ziegler** pri la detaloj de la concerna leĝo. La unua prezidanto de AIS, profesoro d-ro Pennacchietti, raportos pri la programo de la ĉi-jara dua sesio de AIS, kiu okazos en San Marino de la 27a de decembro ĝis la 4a de januaro (1986).

Invititaj estas ĉiuj kongresanoj, kiuj finis ajnan universitat-nivelan studon. Bonvenaj estas proponoj de prelegoj kaj kursoj por la ĉi-jara AIS-sesio kaj proponoj de alvokindaj estontaj AIS-anoj. La kunsidon, kiu probable daŭros ĝis la 12.00 h, gvidos la rektoro de IKU, profesoro d-ro Frank.

Estos preparakunsido (nepublika) de la **9.00 h ĝis la 10.00 h** samloke.



La kasedo haveblas en limigita kvanto en la kongresa libroservo.

Jenas Lorcon Ohuiginn, kongres-numero 275, Ottawa, salutas amike al verda familio kaj bedaŭras, ke malsano kaŭzas foreston, tamen kolektas ankoraŭ stenografiajn librojn kaj individuajn manskribojn kun biografio por la universala stenografia muzeo fondita en 1976.

ASOCIO DE VERDULOJ
ESPERANTISTOJ (AVE)
prezentas:

NATURO KAJ SOCIO

Enkonduko en ekologian pensadon kaj agadon
de **Edgar Guhde**
ISBN 3-922570-40-2

Esperanto-Centro
Paderborn
Poŝtfako 1450
D-4790 Paderborn, FRG

1985

HAVEBLA EN LA LIBRO-SERVO DE UEA

program-ŝanĝoj kaj aldonoj

Lunde: La publika kunveno de ILEI okazos ekde la 9-a horo (kaj ne ekde la 8-a horo).

Marde: post **Agado ĉe UN** de **9.00 h ĝis 10.00 h** en salono **Pickel** (jam anoncita en la unua STROBILO) okazos daŭrigo ĝis 11.00 h pri projekto **Unispace** (gvidos A. Wandel).

Atentu **medicinistoj!** Post la UMEA-kunveno okazos vizito al la urba malsanulejo de la 17a ĝis la 19a horo. Pliajn detalojn vi aŭdos dum la kunveno.


En "Poststüberl" de hotelo Post de la 10.30 ĝis 12.00 h: Uzu la okazon paroli inter amikoj kun d-ro **Victor Sadler**, ĝis antaŭ 2 jaroj direktoro de UEA kaj ek de tiam kunlaboranto de BONA ESPERO.

Merkrede: De la 11-a ĝis la 12.30a horo okazos administra kunsido de AVE (Asocio de Verduloj-Esperantistoj).

Je la 17-a horo komenciĝos **ekumena diservo** en la preĝejo St. Ulrich. Internacia Katolika Unuiĝo Esperantista invitas al tiuj diservoj ankaŭ la aŭgsburgajn civitanojn.

Sankta Meso okazos je lundo (5 aŭg), mardo (6 aŭg), merkredo (7 aŭg), vendredo (9 aŭg) je la 12h15 en la preĝejo S-ta Antonio.

Vespro okazos lunde, marde kaj vendrede je la 17-a horo en la preĝejo S-ta Antonio.



LA STROBILO

KONGRESA KURIERO DE L' 70a UNIVERSALA KONGRESO DE ESPERANTO EN AUGSBURG 1985

sub la aŭspicio de MONATO internacia magazino sendependa, Antwerpen/Augsburg

Internacia redakcio sub gvido de
Stefan Maul, Thomas Bormann kaj Paul Peeraerts

N-ro 3
mardo, 6 aŭgusto

LA TAGO DE LA PACO - BONE AKCEPTITA PREMIERO

Memoro pri la unuaj ŝetoj de atombomboj en Japanio
Elstaraj kulturaj programeroj

Montriĝis, ke estis vere bonega ideo, aranĝi dum ĉi tiu UK apartan tagon dediĉitan komplete al la temo "paco" dum lundo. Kaj la memorkunsido aranĝita de japanaj gekongresanoj kaj la teatraĵoj prezentitaj pri la temo estis komplete sukcesaj. La preparintoj kaj agintoj meritas pro tio certe grandan laŭdon.

Kvankam ne ĝustatempe alvenis la ekspozicio preparita de japanoj, la gekongresanoj jam de sabato povis rigardi la samteman ekspozicion aranĝitan de **Wolfgang Gutfleisch** kaj liaj lernantoj, kiuj ankaŭ prezentis lunde antaŭtagmeze la unuaneron de la paco-tago. Kvankam la teknikaj kondiĉoj en salono Zamenhof ne estis idealaj (aparte ĝenis la ofta en- kaj elirado de vizitantoj) kaj spite al tio, ke unu rolanto ne perfekte regis la lingvon, "La Ludo de la Paco" laŭ Bernard Benson akceptiĝis per granda atento de tre multaj kongresanoj. Precipe konvinkis la infanoj, kiuj kun tuta koro partoprenis en ĉi tiu mondpremiero de la Esperanto-versio.

Forta aplaŭdo dankis al ĉiuj geaktoroj, inter ili ankaŭ partoprenantoj de la Infan-Kongreso.

Vere elstare ludis la **Bulgara Esperanto-Teatro** la scenan version de la Brecht-novelo **La Aŭgsburga Kretocirklo** - mondpremiero eĉ en duobla senco: **Werner Frisch**, Brecht-esploranto de Augsburg, por teatro transformis la tekston de Brecht en germana lingvo, sed ĝis nun neniu prezentis ĝin sur scenejo; **Jomo Ipfelkofer** tradukis en Esperanton. La salono plenplena vere ĝuis la altkvalitan prezentadon kaj ne volis ĉesi la aplaŭdon. Efektive reĝisorino kaj ĉiuj geaktoroj meritas altan agnoskon.

venu, vidu, viglu ...

La 41a Internacia Junulara Kongreso allogis aparte multajn junulojn

Ni estis 420, aŭ iom pli (mi ne tro zorge kalkulis), la partoprenantoj de la 41-a IJK, kiu okazis en la Kastelo Eringerfeld, inter Dortmund kaj Paderborn, de la 22-a ĝis 29-a de julio 1985. Kaj ni venis el 32 landoj el 5 kontinentoj, al tiu kastelo agrable barokstila. Sed la kastelon ni preskaŭ ne vidis, krom dum la marŝado de unu konstruaĵo al l' alia de la lernejo kiu gastigis nin por la kongresa semajno. Nia temo

Tion senrezerve ankaŭ agnoskis s-ro Frisch mem, kiu same ricevis fortegan aplaŭdon, kiam ĉe la fino li diris, ke la plej grava vorto en la Brecht-teatraĵo kaj ĝenerale estas - kaj tion vorton li, kiu ne scias la internacian lingvon, diris en pluraj lingvoj kaj fine en Esperanto: **paco**.

Mirinde, la ĉeestantoj en plena salono Grabowski eltenis malgraŭ varmeĝo kaj malfruo ankaŭ por la tria ero en la serio de teatraĵoj: **La Pinto**, originale en Esperanto verkita de **Stefan Maul** por la UK. En la formo de satiro, parodio de televida elsendo tiu ĉi kabaredaĵo mokis pri la malarmaj konferencoj kaj malkaŝis - troiĝe, kiel taŭgas en kabaredo - la verajn sintenojn de la registoj. Forta aplaŭdo ankaŭ dankis al la rolantoj en tiu ĉi teatraĵo, dum kiu oni ja multe ridis, sed povis ekkoni el la "ŝercoj" la seriozecon de la temo.

La memor-kunsidon pri Hiroŝima kaj Nagasaki ĉeestis 120 personoj el 22 landoj. Esperantistoj el diversaj landoj raportis pri siaj porpacaj agadoj. La ĉeestantaro aprobis proponi al UEA kvar punktojn por la kongresa rezolucio. Unu el ili estas, ke "La Tago de la Paco" iĝu konstanta programo en la estontaj UK-oj.

Tiu ĉi propono sendube estas tre bona laŭ la entuziasmo kaj partoprenado de l' kongresanoj en la "premiera" pacotago.

estis "Junuloj inter revo, ribelo kaj rezignacio", ampleksa pri-trakto de la sociaj kondiĉoj de la nuntempa junularo en la diversaj sociaj sistemoj de la mondo: ni preparolis niajn revojn pri homcela, perfekta socio; ni preparolis niajn ribelojn al tiuj fortoj kiuj bremsas plibonigon de la homa socio por protekti sian povon; ni preparolis nian (fojan) rezignacion vidante kiom niaj streboj, foje naivaj, foje koleraĵoj, foje entu-

ziasmaj, fiaskas en la atingo de la celo kiun ni fiksis. Ni preparolis ekologion, ni preparolis senlaborecon, ni preparolis vetarmadon; ni esploris nin mem, nian grupiĝemon, nian izoliĝemon, nian estontecon, la rilatojn inter ni. En tiu ĉi Internacia Jaro de la Junularo ni esploris nian planedon "Juneco", en la rilato al aliaj planedoj, kun kiuj ne ekzistu fendoj, sed komprenemo. Kaj (evidente) ni preparolis nian esperantistecon, kun ĉiuj en tio implicaj sociaj sekvoj: la esperantista komunumo, kiu dum la tuta jaro vivas pere de la multaj kunvenoj en ĉiuj mondopartoj, estigas socie interesegan homgrupon ligita per komuna lingvo, (parte) komuna kulturo, kaj tre malsamaj pensmanieroj, kiuj iel harmoniĝis sub komuna celo. Kaj, eĉ pli evidente, ni ludis, dancis, sportis, promenis, kafoklaĉis, ridis en bona etoso. Kaj ni kunsidis en Komitato, en Estraro, en Komisionoj, en rondoj, por antaŭenigi nian movadon; ni elektis novan Estraron (konsisto ĉi-sube), ni preparolis novan ampleksan Regularon de TEJO, kiu reformas la tutan asocian strukturon, modernigante kaj aktualigante ĝin. Kaj estis Internacia Vespero, preskaŭ kvinhora, kun prezento de pli ol 20 landaj grupoj, kiu kulminis en kataluna nokto, bunta, gaja, muzika, amika. Ni spektis magietosan filmon, "Koyaanisqatsi" (vorto el la lingvo de la nordamerikanaj indianoj Hopi, kiun oni prononcas kohaniskatsi, kaj kiu signifas "vivo forlasinta ekvilibrilon"), sed dialogoj, sed vekinta fortajn emociojn. Ni ankaŭ amuziĝis spektante la teatraĵon "La kalva kantistino" de Eu-

Daŭrigo sur paĝo 2

AKTUALE

Vetero: La somero paŭzetas, do hodiaŭ povas plui; sed poste nin atendas denove varmo.
Hiroŝima: 67 urbestroj el 23 landoj kunvenas hodiaŭ en Hiroŝima por protesti kontraŭ la nuklea vetarmado kaj proklami internacian interkompreniĝon. S-ro Araki, urbestro de la japana urbo, super kiu la 6an de aŭgusto 1945 eksplodis la unua atombombo, nomis sian urbon Hiroŝima "neniam finiĝinta admono por la estonteco de la homaro". - Dume konatiĝis, ke Paul Bergmann, la navigisto de la bomb-aviadilo, kiu ŝetis la atombombon sur la urbon Nagasaki la 9an de aŭgusto 1945, sin mortigis en sia loĝejo en Hollywood (Usono).

Ĉilio: La ĉilia junto lunde arestis 11 sindikatajn gvidantojn kaj 50 pliajn personojn, kiuj ĵus estis metintaj funebrajn florkronojn al la tomboj de tri funkciuloj de l' malpermesita komunista partio, kiuj mortis per kruela atenco.

Bolivio: Post multhora nokta debato la bolivia parlamento elektis lunde Victor Paz Estenssoro kiel novan ŝtatestron kontraŭ fortaj protestoj de l' anoj de eksdiktatoro Banzer, kiu en la balotoj en julio akiris 28,5 % de la voĉoj.

FR Germanio: Prezidanto Richard von Weizsäcker, Alta Protektanto de la 70a UK, volas instigi la germanajn kulturministojn, akceli la instruadon pri paco en la lernejoj de la lando.

Sovetio: La parti-organo "Pravda" postulis hieraŭ de la membroj "bataleman, celkonscian, apertan kritikon kaj memkritikon".



Entuziasma viglo dum la rok-konzerto en la IJK: "La Mondanoj" kaj "Ampli fiki" (sur la foto) zorgis por verva etoso ĝis post noktomezo.

gène Ionesco, bona specimeno de la teatro de absurdo, kiun freŝe rolis kelkaj konataj membroj de LKK. Alia magia momento estis la prezento de siluet-teatro "La edziniĝo de la musino", kvazaŭfabelo japana. Ne okazis tuttaga ekskurso al iu difinita loko, sed estis aranĝitaj pluraj mallongaj ekskursoj al Paderborn; estis aranĝitaj pluraj biciklaj promenadoj en la bela ĉirkaŭaĵo; nin fakte ĉirkaŭis natura parko, kun multaj bestoj, kaj malmultaj aŭtoj.

Post la kongreso okazis pluraj aranĝoj, kiel bicikla restado al la UK en Augsburg (35 junuloj partoprenis!), restado ĉe kelkaj lokaj grupoj, kiel ekzemple tiu de Bonn; sed ni ne nur biciklis, ni ankaŭ naĝis, kuris, kaj "umis" plurmaniere en nia junulara internacia etoso. Elstara programero de la IJK, unuafoja okazintaĵo, estis iu longa rok-koncerto de du grupoj: la jam fama "Amplifiki" el Skandinavio, kun sia vasta repertuaro esperantlingva, kaj la berlina grupo "La Mondanoj", kiu plenigis tutan vesperon per vere bonkvalita moderna muziko. La spektantara partopreno, tute entuziasma, igis la vesperon simple perfekta, kaj tute simila al alia vespero, kiam mi ĉeestis rok-koncerton de Bruce Springsteen, eble la plej konata rok-muzikisto de la mondo. Tio estas plia pruvo ke la esperanta kulturo jam delonge atingis kvalitinivelon, kiu plu nenion havas pro envii al la "nacilingva" kulturo. Kadre de la IJK en Eringerfeld estis prezentita la venontjara IJK, la 42-a, kiu okazos en Neŭrim en Israelo, inter la 14-a kaj 21-a de aŭgusto 1986: rapidu, jam eblas aliĝi!

La estraro de TEJO jam akceptis inviton de Pola Esperanto-Junularo por aranĝi la 43-an IJK en Krakovo, bela historia pola urbo, inter la 17-a kaj 24-a de julio 1987, dum la Jubilea Jaro, al kiu la junulara movado dediĉis apartan atenton, starigante apartan komisionon por tion prilabori.

Nu, ĉu mi resumu en malmultaj vortoj la 41-an IJKn? Jen: bedaŭrinde por tiuj kiuj ne ĉeestis!

Norberto Saletti

Nova Estraro de TEJO

Prezidanto, Jubilea Jaro: Ian Jackson (brito loĝanta en Hongkongo);
 Ĝenerala Sekretario: Jan Koszmaluk (Pollando);
 Kasisto, Observanto ĉe UEA: Alex Humet (kataluno loĝanta en Belgio);
 Unua Vicprezidanto, Landa Agado: Marie Vanĉurova (Ĉeĥoslovakio);
 Dua Vicprezidanto, Kongresoj: Martin Haase (FR Germanio);
 Estrarano pri eksteraj rilatoj: Elisabeth Schwarzer (FRG);
 Estrarano pri kultura kaj faka agado: Norberto Saletti (Italio);
 Estrarano pri aktivula trejnado: Jaroslav Parzysek (Pollando).

SEMAJNO DE MUZIKO, DISKUTOJ KAJ GAJO

53a Internacia Kongreso de Blindaj Esperantistoj

La kongreso okazis de la 27a de julio ĝis la 3a de aŭgusto en Augsburg kun 148 partoprenantoj el 17 landoj. Dum la malfermo, kiun partoprenis ankaŭ la ĉefurbestro de Augsburg, oni jam aŭdis belan pianomuzikon luditan de partoprenantoj.

Poste John Wells parolis pri la temo "Handikapuloj en la socio - kelkaj politikaj pensoj". Kune kun la partoprenantoj de la ekumena kongreso oni ĝuis folkloran koncerton.

La 29an de julio oni diskutis en la ĝeneralkunveno de Ligo Internacia de Blindaj Esperantistoj (LIBE). Posttagmeze la sekretario de la Bavara Blindulasocio prelegis pri la situacio de blinduloj en FR Germanio. Poste Adam Goralski parolis pri la signifo de la "fondaĵo A. Grabowski". Vespere J. M. Ipfelkofer parolis pri "Augsburg - dumiljara urbo".

La 30an de julio antaŭtagmeze gesinjoroj Schmid kaj Maul kaj s-ino Vitalyos gvidis tre interesan rondveturadon tra Augsburg. Posttagmeze Theodor Speckmann parolis pri Johann Sebastian Bach kaj ties es muziko kaj aŭdigis kelkajn ekzemplojn. Raymond Gonin rakontis pri la strukturo de la vaska lingvo. Vespere la blovinstrumenta orkestro "Augsburga Kvinteto" ludis por la kongresanoj.

La 31an de julio la tuttaga ekskurso gvidis nin unue al la fama preĝejo Welfenmünster, blindulferiejo en Saulgrub kaj posttagmeze sekvis gvidado tra la pasion-luda domo en Oberammergau. Vespere LIBE havis eksterordinaran kunsidon pri la jubilea jaro de Esperanto.

La unua de aŭgusto komenciĝis per prelego de Werner Bormann pri lingva evoluo kaj la Akademio de Esperanto. Sekvis Elisabeth Bormann per "Esperanto por Eŭropo". Posttagmeze Ursula Felhölder parolis kaj respondis demandojn pri la Esperanto-junularo okaze de la junulara jaro. Vespere kune kun la ekumena kongreso ni rigardis la teatraĵon "La Pacoludo".

"Gastoj demandas, gastigantoj respondas" estis la temo de la posta programo. Fakte venis interesaj demandoj ĉiuspecaj. La 2an de aŭgusto okazis ĝeneralkunveno de LIBE. Sekvis N. Ložajiĉ per "Tradicia kaj scienca traktado de sonĝoj". Posttagmeze Richard Schulz legis poeziaĵojn.

La kongreso aprobis rezolucion sendotan al diversaj blindulorganizadoj cele al disvastiĝo de Esperanto inter la blinduloj. Per solena fermo finiĝis la 53a Internacia Kongreso de Blindaj Esperantistoj. Dum la posta gaja vespero kun muziko oni povis danci kaj babili. Oni povis konstati, ke malgraŭ la densa programo kongresanoj trovis sufiĉe da tempo por gaje babili kaj serioze diskuti. Do oni povas diri, ke estis ege sukcesa aranĝo, ankaŭ pro la hotel-personaro, kiu ĉiam klopodis plenumi niajn dezirojn!

Franz Spielmann

KONGRESA TEMO

La unua kunveno pri la kongresatemo konstatis, ke atribui bonon al moderna kaj malbonon al antikvo estas unu el la fundamentaj eraroj de l' nuntempuloj. Oni ne ruinigu por konstrui la novaĵon; sufiĉas modifi la havatan, konservante ties avantaĝojn. La homo detruis grandegan parton de la vivdona bazo de la naturo; necesas pli atente konservi la ceteran; por tio necesas ankaŭ la ideologiaj konceptoj. Oni daŭrigos merkrede je la 16.30 h en salono Grabowski. Venu, se vi havas tem-koncernajn ideojn. Aparte interesa estos via propono rilate la Esperanto-movadon. tt



La ĉefurbestro de Augsburg, Hans Breuer, salutas la partoprenantojn de la blindula kongreso.

KONSTRUI
 ESTAS MALFACILA
 Hodiaŭ vi povas aprezi vortfaradan teorion, kiu ne estas nura parafrazo de la oficiala. Petu "Skizo por racia teorio de vortigado" ĉe la libroservo!

Programŝanĝo Info-Servo/Homaranana Asocio

Anstataŭ interparolado pri homaranismo dum la kunsido de Info-Servo, mardon je la 17-a en salono Einstein, okazos publika sinprezento kaj la unua jarkunveno de la nova Homaranana Asocio (HA).

Zamenhof, la iniciatinto de la homaranismo, diris: "Lingvo internacia havas la celon, krei inter la gentoj neŭtralan ponton en rilato lingva; la homaranismo volas krei tiun saman ponton en ĉiuj rilatoj. La homaranismo estas nur plifortigita esperantismo."

HA volas studi, instrui kaj disvastigi tiun homaranismon. Ĝi volas science trakti ĝin kiel "teknologion pri la konstruado de intelektaj kaj emociaj pontoj." Ĉiuj sciencoj pri la psiko kaj la konduto de la homo estas ĝiaj helpsciencoj.

Krome HA volas esti hejmo interalie de tiuj homoj, kiuj interesiĝas pri la religiaj tendencoj de la homaranismo kaj/aŭ pri la homaranismaj tendencoj de la altreligioj. Tamen tiu interesiĝo tute ne estas deviga por ĉiuj membroj de HA.

HA deziras kunlabori kun UEA. Ĝi agnoskas, ke UEA devas resti esperantista organizaĵo, ke ĝi ne povas fariĝi homaranisma. Ĝuste en tio kuŝas la ekzistorajto de aparta homaranisma organizaĵo.

SUPLEMENTO DE LA ADRESARO operos hodiaŭ dum la tago

Germanismo


La noktmezaj redaktantoj de LA STROBILO petas pardonon pro lingva eraro en n-ro 2, en kiu oni parolas pri "orkano" anstataŭ pri uragano; orkano evidente estas germanismo.

Pro nedeca eluzo de nia unusola pianistino ni nepre serĉas piano-akompanon inter la kongresanoj. Certe iu kapablas ludi pianon por akompani kanzonojn el la **Trigroŝa Opero** de Bert Brecht, kiujn Susanna Castel volas prezenti okaze de la Internacia Arta Vespero vendrede je la 20a horo.

Karaj geesperantistoj tutmondaj!

Kiel vi supozeble jam scias el la kongreslibro, LKK volas aranĝi publikan spektaklon en la bela etoso de la urbodoma placo de Aŭgsburgo. Ni intencas prezenti al la publiko
 > internaciajn kantojn mondvasse konatajn,
 > salutvortojn de kongresanoj el ĉiuj kontinentoj, speciale kiel gratulon al la urbo okaze de la 2000jara jubileo kaj pro la Aŭgsburga Pacofesto okazonta unu tagon poste,
 > intervjuetojn kun vi, ĉarmaj gekongresanoj el ĉiuj landoj, folklore vestitaj kaj ĉiuj ajn,
 > eble komunan kantadon sub gvido de Dimitr Terziev.
 LKK kore invitas vin.

JOMO



LA STROBILO

KONGRESA KURIERO DE L' 70a UNIVERSALA KONGRESO DE ESPERANTO EN AUGSBURG 1985

sub la aŭspicio de MONATO internacia magazino sendependa, Antwerpen/Augsburg

Internacia redakcio sub gvido de
Stefan Maul, Thomas Bormann kaj Paul Peeraerts

N-ro 4
merkredo, 7 aŭgusto

Pli ol 200 kongresanoj ĉe la urba akcepto

Hieraŭ posttagmeze la ĉefurbestro de Augsburg, Hans Breuer, akceptis pli ol 200 kongresanojn en la urba domo.

En sia parolado li klarigis ke tiu urbodomo kaj multaj aliaj konstruaĵoj en la 2000-jara Augsburg estis konstruitaj en la unuaj jardekoj de la 17-a jarcento kaj ankoraŭ hodiaŭ karakterizas la vizaĝon de la urbo kun sia renesanca arto. Tuj post tiu epoko de konstruado la 30-jara milito skuis la tutan centran Eŭropon. En 1650, du jarojn post la fino de tiu kruela milito, la augsburganoj unuafoje celebris la "pacofeston". Depost tiam la anoj de la protestanta eklezio denove rajtas libere apliki siajn ceremoniojn. La pacofesto do estas signo de toleremo kaj ankaŭ por la nuntempo havas sian valoron, precipe koncerne la rilaton al la multaj eksterlandaj kuncivitanoj. Breuer emfazis, ke tiu indi-

vidua toleremo inter "simplaj civitanoj" estas la plej grava antaŭkondiĉo por la "granda paco". Kaj ĝuste tiun harmonian kunekzistadon inter homoj de diversaj originoj kaj opinioj Breuer observis ĉe la Universala Kongreso, kie 2300 personoj el 58 landoj pruvas, ke eblas harmonio interrilatado en internacia skalo. Tiel la UK estas unu el la elstaraj eroj de la ĉijara celebrado de la augsburga pacofesto kaj valora pliriĉigo de la programo de la granda jubileo de Augsburg. Post tiuj saĝaj vortoj de la urbestro la prezidanto de UEA, s-ro Gregoire Maertens, dankis per mallonga parolado. Sekvis salutmesaĝoj de la urbestroj de Amagasaki el Japanio kaj Bourges el Francio, ambaŭ ĵemelaj urboj de Augsburg.

Ludwig Fluck: Volgo-Kanto (La Filo de l' Caro - Léhar)
Béby Kohl: Vilja-Kanto (La Gaja Vidvino - Léhar)
Wiesmann/Fluck: Ho, kiu ligis nin (La Cigan-barono - J. Strauß)
Galja Kostova-Toteva: Knabino (Hristov), Ario de Silva (Reĝino de Cardaŝ - Kalman), Ario de Dolores (Andalusia - Lopes)
Jana Cikalova: Popolaj kantoj el Romanio kaj Bulgario; Ario Belega Helena
Béby Kohl: FluSTRU min pri am' (Jean Lenoir)
Ludwig Fluck: Malhelruĝaj rozoj (Gasparone - Millöcker)
Anni Wiesmann: La cel' de la viv' (Knabinoj en blanko - Mackeben)
Kohl/Fluck: Donac' de Rozoj en Tirol (La Birdo-Vendisto - Zeller)
Veselin Damjanov: Al niaj veteranoj; Gradu la Pacon (A. Grigorov/V. Damjanov); Kalinka (rusa popolkanto); Ario Danilo (La Gaja Vidvino - Léhar)
Maria Angelova/V. Damjanov: Dueto Silvia + Edvin (Reĝino de Cardaŝ - Kalman)
Piano: Erika Becht

AKTUALE

Vetero: Post pluvotago hodiaŭ nur pluvetos. Por la morgaŭa ekskursita tago oni antaŭvidas jam denove iom da subrilo. Hieraŭ en Aŭstrio kaj suda Bavario regis katastrofaj veteraj cirkonstancoj. La transalpa Brennero-aŭtoŝoseo kaj ankaŭ la fervoja linio al Italio estis blokita por pluraj horoj; la urbon Innsbruck en Tirolo minacis inundo, kaj la Großglockner-pasejo estis fermita pro neĝo. Pro ŝtormo, forta pluvo kaj fulmotondro okazis pluraj akcidentoj.

Aŭstrio: Post la skandalo pri aŭstraj kaj germanaj vinoj oni nun ankaŭ avertas kontraŭ vinber-sukoj el Aŭstrio. En la trinkaĵoj troviĝas di-etilenglikolo en dozoj kiuj estas vivdanĝeraj por infanoj kaj malsanuloj je la renoj.

Britio: La aŭskultantoj kaj spektantoj de la brita radio kaj televido hodiaŭ ne povas aŭskulti novaĵelsendojn. La ĵurnalistoj strikas por protesti kontraŭ decido de la plej supera organo de la brita televida kompanio BBC ne permesi la elsendadon de dokumentara filmo pri la problemo de terorismo en Norda Irlando.

Afganio: La plej nova ofensivo de sovetiaj kaj afganiaj registaraj trupoj kontraŭ islamaj ribeluloj ne povis rompi la reziston.

Publika spektaklo

La vetero ŝajne ne ŝatas la publikan manifestacion, kiun ni planis por hodiaŭ. Se la vetero estos agrabla, ni festos nian spektaklon sur la urbodoma placo. Ni volas kanti, muziki, saluti la 2000-jaran urbon, oferti paco-deziron okaze de la Augsburga pacofesto, kiu okazos la 8an de aŭgusto. Se tamen la vetero ne pliboniĝos, ni faros festeton en la kongreseja vestiblo. Kunportu bonhumoron, muzikilojn, belajn voĉojn, surmetu viajn folklorajn kostumojn, preparu jubileajn kaj porpacajn salutvortojn al la urbo. **Venu ĉiuj al nia komuna festo!**

Programo de la MUZIKA VESPERO

merkredo - 20a horo

Anni Wiesmann: Mi donos min (La Dubarry - Mackeben)

NI GARDU BONE NIAN TERON!

Celenda estas ampleksigo de nia statuto per ekologia amendo, ĉar neŭtraleco sen ekologia bazo aŭ estas mensogo aŭ ne ekzistas!

Se vi volas informiĝi pri la tiurilata argumentado, bv. veni postmorgaŭ, vendredon, je la 9.00 h al salono Grabowski.

La temo:

EKOLOGIO KAJ LA ESPERANTISTA KOMUNUMO

ATENTU!

Dum ĵaŭdo, 8 aŭgusto, pro la pacofesto en Augsburg ĉiuj oficejoj, butikoj kaj vendejoj ne deĵoras. Se vi bezonas ion, do nepre aĉetu jam hodiaŭ.

Interparolad-rondo

Ĵaŭde, 8-8-85, 15 h

Junularmovado kaj kooperativoj

Loko: Bürgerhaus, Kresslesmühle, Barfüßerstr. 4 (Mebrzweckraum).
kun: F. Schwarzbecker, urba konsilisto. Venos ankaŭ partoprenantoj de memadministrataj entreprenoj en Augsburg, de "netzwerk" (retasocio) Nordbadon, de internacia komunikilo-centro Elmstein, de esperantistaj kooperativanoj.

Rendevua tabulo

Bonvolu ne ŝanĝi la lokon de la kongresnumeroj aŭ pendigi ion ajn sur la rendevuan tabulon. Bv. nur forpreni vian propran kongresnumeron kaj veni kun ĝi al la giĉeto "Rendevua tabulo".

Programŝanĝoj kaj -aldonoj


Vendrede: je la 12.00 h. okazos en salono **Wingen** la fakkunveno de la esperantistaj filologoj.
- inter 17.30 kaj 18.30 h. en salono **Ziegler** fondkunveno de Esperantistaj Lingvosciencistoj. Gvidos P. Hopkins.
- inter 14 kaj 15.30 h. en salono **Cseh:** "Agado en Sri-lanko". Gvidos S. Keller.

Plia teatra vespero ĵaŭde

Pro ĝia jama granda sukceso la Brecht-teatraĵeto "La Augsburga Kretocirklo" estos prezentita ankoraŭ unu fojon. Samvespere ni esperas povi prezenti la prokrastitan ombropupteatron "La edziĝo de la musino". La prezentaĵoj komenciĝos ĵaŭde je la 19-a horo en salono Grabowski.



Sceno el la ekumena kongreso, kiu okazis en la semajno antaŭ la UK en Augsburg (raporto sur la dorsa flanko).




LA STROBILO

KONGRESA KURIERO DE L' 70a UNIVERSALA KONGRESO DE ESPERANTO EN AUGSBURG 1985

sub la aŭspicio de MONATO internacia magazino sendependa, Antwerpen/Augsburg

Internacia redakcio sub gvido de
Stefan Maul, Thomas Bormann kaj Paul Peeraerts

N-ro 5
vendredo, 9 aŭgusto



Eksa ĝenerala sekretario de UN, Kurt Waldheim (centre) kun edzino konversacias kun UEA-prezidanto Maertens kaj urbestro Kotter.

Flanke de la kongreso ĉeestis la aranĝojn en la urbodomo okaze de la pacofesto: Geedzoj Maertens, Tonkin, Lindblom, Deguĉi, Grattapaglia, Szabó-Felső; d-rino Despinay, d-ro Maitzen, s-ro Umeda, s-ino Kikusima, s-ro Masterman, d-ro Lins, s-ino Faraĝi, s-ino Tilmont, d-ro Röhl, s-ro Sandner.

Aŭkcio de valoraj esperantaĵoj

Hodiaŭ je la 16.30 h okazos en salono Grabowski denove aŭkcio, kiu donos al vi ŝancon akiri valorajn esperantaĵojn (kaj kelkajn kuriozaĵojn). Inter la ofertataj Esperanto-libroj estas multaj titoloj delonge elĉerpi-taj; estas ankaŭ raraĵoj, kiujn kolektantoj avido serĉadas. Jen kelkaj:

- * Azorin, Ilustrita vortaro de Esperanto
- * Kvaropo (la unua libro de Stafeto)
- * Auld, La Infana Raso (kun speciala dediĉo de la aŭtoro)
- * Waringhien, Eseoj; kaj: Lingvo kaj Vivo
- * Pluraj tradukoj de Zamenhof, aperintaj ĉe Hachette antaŭ la unua mondmilito
- * Protokolaro de la Unua UK en Bulonjo-sur-Mar (1905)
- * Jarkolektoj 1905 ĝis 1908 de "Lingvo Internacia"
- * Jarkolekto 1909 de "Scienca Revuo"

Krome, estas interalie je dispoŝo pluraj filatelaĵoj, ekz. unuataga koverto kun rara Esperanto-poŝtmarko el 1953. Nepre kaptu la unikan ŝancon kaj venu al la aŭkcio. D-ro Tonkin, la aŭkciisto, atendas viglan vet-ofertadon.

UK-anoj invitataj al la oficiala solenaĵo de la Pacofesto de Augsburg

La 7an kaj 8an de aŭgusto kelkaj reprezentantoj de la kongreso (vidu la liston) ĉeestis la solenaĵojn aranĝitajn okaze de la Pacofesto de Augsburg. Ambaŭ solenaĵoj okazis en la Ora Salono de la urbodomo. La 7an de aŭgusto vespere, la urbestro, Ludwig Kotter, ko-

JURISTOJN

kiuj ŝatas persone ekkoni kolegojn kaj pensi pri vojoj intensigi Esperanto-agadon inter juristoj, ni kore invitas veni al neformala kunveno hodiaŭ je la 13.45 h ĉe la stando de TEJO. R. Heckhausen, 2212; B. Pabst, 2298

INVITO AL JUNULARO
Vizito de junulara memadministrata entrepreno en Augsburg (presejo, eldonejo). Nomo: Papyrus; loko: Riedingerstraße 24; Tempo: hodiaŭ je la 14.00 h.

La redakcio de STROBILO bedaŭras

ke en la antaŭaj numeroj ne povis aperi multaj raporto; pro la ne antaŭvidebla amaso da novaliĝoj ne restis sufiĉe da spaco por aliaj artikoloj. Pro tio ni hodiaŭ eldonas duoblan numeron, sed pro teknikaj kialoj ni povas liveri nur du apartajn foliojn; atentu do, ke vi havigu al vi ankaŭ paĝojn 3 kaj 4 de ĉi tiu 5a numero. strob.

mence bonvenigis la altranguojn, inter ili la prezidanton de UEA (erare donante al li la nomon Masterman - tamen). Festparoladon faris d-ro Kurt Waldheim, la antaŭa ĝenerala sekretario de UN, kiu elstarigis la rolon de Eŭropo en la monda politiko. Li turnis sin kontraŭ "eŭro-pesismo" kaj nomis la Augsburgan Pacofeston "konsola pruvo pri tio, ke la homoj tra la generacioj povas venki fanatikismon kaj uzi toleremon". Post la programo s-ro Maertens, prezidanto de UEA, havis la eblecon interparoli dum kelkaj minutoj kun Waldheim, kiu esprimis sian bedaŭron, ke Esperanto ankoraŭ ne disvastiĝis pli multe.

La 8an de aŭgusto antaŭtagmeze la Ora Salono denove pleniĝis, ĉifoje ankaŭ per granda nombro de aŭgsburgaj civitanoj en mezepokaj kostumoj. La ĉefurbestro, Hans Breuer, en sia parolado ne preterlasis aparte atentigi pri la 70a UK samtempe okazanta en Augsburg; ĉefaĵo de tiu solenaĵo estis la unuafoja aljuĝo de la premio "Aŭgsburga Pacofesto". Ricevos ĝin episkopo Kunst pro siaj meritoj en laborado por interproksimiĝo de la kongresioj.

Somerumi apud la Adriatika Marbordo

en bela kaj silenta domo, en Esperantista rondo, vi povos somerumi por tre popularaj prezoj.

La dometo situas ĉe la Adriatika Marbordo, kaj por certa rezervigo vi devas vin antaŭe anonci ĉe kongresano n-ro 960.

Infan-Kongreseto invitas vin por hodiaŭ

38 infanoj el 12 landoj ludas, kantas, ridas kaj kvereletas en la ĉi-jara Infan-Kongreseto sub la gvido de Irene Hohn kaj pluraj helpantinoj. Ili vizitis la bestĝardenon, la pli grandaj ankaŭ la urbon; parto el ili kunaktoris en la paĉoludo. Sed precipe ili preparis varian programon kun skeĉoj, konkurso, kantoj kaj dancoj, kiun ili hodiaŭ prezentos al la gepatroj kaj aliaj kongresanoj. Preskaŭ ĉiuj infanoj parolas tre bone, pluraj vere flue la internacian lingvon. Oni plendas nur pri du, kiuj preskaŭ ne scias la lingvon, kaj pri la francaj partoprenantoj, kiuj inter si tro multe krokodilas. La infanoj prezentos sian programon en la kongresetejo Don Bosco je la 13.00 h.

AKTUALE

Vetero: Varma kun sunbrilo, eventuale fulmotondretoj.

FR Germanio: Du homoj mortis kaj 16 personoj vundiĝis - parte grave - per bombo, kiu eksplodis en aŭtomobilo, kiu staris en la parto de la flughaveno de Frankfurt/Main, kiun uzas la usona armeo. La polico supozas, ke la atencojn faris teroristoj de RAF ("Ruĝa Arme-Frakcio").

Sudafriko: Minimume 22 homoj mortis en la regiono de la havenurbo Durban, kiam dum funebra ceremonio por murdita nigra advokato, kiu luktis por homaj rajtoj, interbatalis nigraj loĝantoj kaj la polico.

GRAFKA CENTRO
ANTWERPEN
La kompostejo kaj
presejo por ĉiuj
esperantistoj!
Vizitu nin ĉe la stando
de MONATO/GRAFKA
CENTRO ANTWERPEN

NACIA HIMNO

La lasta frazo en la raporto de Augsburg Allgemeine pri la inaŭguro tekstis (en traduko): "Por la Eŭropokanto kaj 'La espero', la Esperanto-nacihimno, prezentitaj en Esperanto, la kantistoj el Svabujo ekzercis tamen kvar monatojn."

Programŝanĝoj kaj -aldonoj

V e n d r e d e :
Dank' al multaj petoj pri reprezentado de la filmo pri "Bona Espero", tiu estos spektebla denove en salono Grabowski je la 18.00 h.

De 15.30 h ĝis 17.00 h en salono Ziegler: "Per Esperanto tra la mondo". S-ro Conzeth prezentos vidbandan filmon pri Israelo, Hispanio kaj Francio.

La pupteatro "La edziniĝo de la musino" nun aperos vendrede de la 17a ĝis la 18a, kaj poste duafoje de la 18a ĝis la 19a horo en salono Zamenhof.

La kunsido de la Komisiono pri la Internacia Jaro de la Junularo okazos en salono Pickel de 18.00 ĝis 19.00 h. La publiko estas bonvena!

Novaj aliĝoj

2308 Stolz, s-ro Stanis-lavo, Pollando.
2309 Bralić, s-ino Vanda, YU-58231 Klis-Kosa 114, Jugoslavio.

PREMIERO: KONGRESANOJ PREZENTAS SIN AL AUGSBURG
Urbodoma placo svingas en Esperanto-ritmo

Plia premiero okazis dum la 70a UK: kongresanoj el diversaj landoj prezentis sur la urbodoma placo muzikon, kantojn kaj aliajn kulturajn programerojn, salutis la urbanojn kaj respondis al demandoj de la intervjuanta J.M. Ipfelkofer, kiu gvidis tra la programo. Evidente ankaŭ ĉi tiu premiero estis plena sukcesco, kiel montris la etoso sur la placo, reagoj de loĝantoj kaj la raporto en Augsburgger All-gemeine, el kiu ni resume ĉerpas.

"Esperanto estas la lingvo por ni, por ni!" Kantante ĉi tiun konfesion ĉiuj kune man-en-mane kelkaj cent spektantoj svingis sur la urbodoma placo. Dum du horoj okazis publika spektaklo en agrablahumora etoso. Por tio zorgis la muzikistoj kaj kantistoj el la 70a UK de Esperanto, okaze de kiu restadas pli ol 2300 partoprenantoj el 58 landoj en Augsburg.

La ideo de interpopola amikeco, sur kiu baziĝas la planlingvo fondita antaŭ preskaŭ 100 jaroj, hieraŭ spertis gajan eĥon muzikan kaj kantan. "Kuniĝu per la kanto!" do estis la titolo de kanto prezentita de internacia Esperanto-ĥoro sub gvido de Dimitr Terziev (BG), same kiel "Himno al la paco" kaj la Beethoven-a "Himno al la Gojo". Fortavoĉa komenco de la programo, kiu imponis ne tiom per sia grandeco ol per siaj simpatiaj spontaneco kaj improvizeco, kaj pro tio estis akompanata de ofta aplaŭdo. Jomo Ipfelkofer, LKK-komisiito pri Artaj Aferoj, funkciis gaje babilante kiel moderato kaj interpretanto, kaj ankaŭ la vetero montriĝis bonhumora.

La Aŭgsburga urbestro kaj kultureferento Ludwig Kotter en sia mallonga salutparolo montriĝis entuziasma pri la ideo de la esperantistaro, "interproksimigi la diversnaciajn kulturojn kaj per tio kontribui al interpopolaj kompreniĝo kaj amikeco."

Sally Philipps, kantistino naskita en Malagasio kaj vivanta en suda Anglio, tuj konkeris la korojn de la aŭskultantoj kantante Malagasajn kaj Anglajn popolkantojn; same pri Stanislaw Skorupski, kiu invitis kiel gitaristo kaj rapid-desegnisto al fulmrapida Esperanto-kurso: Lia **bildo de hundo** trovis afablan aplaŭdon samkiel lia "Legendo de I' (Berlina lago) Wannsee". Per sia brila soprano voĉo la Hungara kantistino Anna Kiss (Kiŝ), kantante amanton de Edith Piaf, la famkonatan Marlene-Dietrich-kanton "Ĉiuj floroj estas for" kaj ĉinan popolkanton, estigis koncertan atmosferon sur la urbodoma placo. Tondra aplaŭdo dankis ŝian prezentadon.

Per koncizaj salutparoloj sin prezentis esperantistoj el tuta la mondo, de Usono ĝis Sudkoreio, de Kolombio ĝis Ĉeĥoslovakio, de Egiptio ĝis Japanio. "Mi deziras al ni ĉiuj pacon eternan", vokis "Terano", kaj Israelano simbole etendis sian manon por fratiĝo; francino okaze de la Aŭgsburga pacofesto transdonis poeme sian deklaron de paco: "Paco nia."

Specialan aplaŭdon por la urbo Aŭgsburg kaŭzis la raporto de ĉina delegaciano: La kostojn por tri-taga plilongigo de la vizoj - ĉ. 600 GM - transprenis la urbo; spontana pruvo de Aŭgsburga gastamo.

??
 Moknomo por la kongresa kuriero: LA TROMPILO
 ???

Informa laboro ĉe Eŭropa Komunumo

Mardon matene okazis la fakkunveno de Eŭropa Esperanto-Unio. Streĉa tago komenciĝis per laborrondo de la komisiitoj pri eŭropa agado: ili priparolis la konkretan kaj praktikan agadon ĉe la diversaj politikaj instancoj de I' Eŭropa Komunumo. La priesperanta informa laboro estis vasta kampo, ke la duhora kunsido apenaŭ sufiĉis. Baldaŭaj priesperantaj rezolucioj, la aliĝo de Hispanio kaj Portugalio al EK, ĝenerala informa laboro, eldono de informa broŝuro - tio estis nur kelkaj el la multaj temoj. Tagmeze la publiko estis invitita sekvi la malferman informan kunsidon. La intereso estis neantatvidite granda. Tion montris plenŝtopita ĉambro. Anne Tilmont, gvidantino de Eŭropa Esperanto-Centro faris rapidan skizon de I' ĝeneralaj gvidlinioj de la antaŭaj kaj venontaj informkampanjoj ĉe EK kaj pli specife ĉe la Eŭropa Parlamento. Ankaŭ estis transdonita la sinceraj salutoj de eŭroparlamentano Hans Joachim Seeler, unu el la 41 membroj de la Eŭropa Parlamenta Esperanto-Grupo, la organizaĵo de eŭroparlamentanoj kiuj aktive aŭ pasive simpatias kun Esperanto.

Tiuj, kiuj vizitas Universalan por la unua fojo: vi estas invitataj ĉeesti kunsidon en salono Ziegler je la **19.00 h** hodiaŭ, por helpi al UEA plani la programon de la estontaj kongresoj. Tiu ĉi kunsido estas nur por unuafojaj kongresanoj!

Diservoj kun arta programo
 Kaj en la ekumena diservo, kiu okazis merkrede en baziliko de S-ta Ulriko kaj Afra, kaj en la katolika diservo, kiu okazis dimanĉe en S-ta Antonio, estis ankaŭ elstaraj artaj eroj. Solkantistinoj kaj ĥoro kantis dum la ekumena, ĥoro el Munkeno prezentis oratorion dum la katolika meso. En la ekumena diservo salutis en la nomo de la episkopo de Augsburg, d-ro Josef Stimpfle, la dekanano de la katedralo, Georg Beis, kaj diris inter alie, ke la strebado de I' esperantistoj por unu lingvo sendube kontribuas ankaŭ al unuiĝo de eklezioj. KELI-prezidanto Adolf Burkhardt en sia homilio parolis pri la eldiro de Jesuo, ke "feliĉaj estas la pacigantoj" - sed li atentigis, ke laŭ la originalaj lingvoj de la biblio oni povas diri, ke pacigantoj estas "gratulindaj". Li demandis la aŭskultantojn, ĉu "vi volas, ke Jesuo gratulas vin?" kaj atentigis ilin pri propono de Carl Friedrich von Weizsäcker (sciencisto kaj frato de la Alta Protektanto de I' 70a UK), kunvoki pacokoncilion de ĉiuj

eklezioj. Kiu volas subteni ĉi tiun proponon, povas skribi al pastoro Burkhardt. Surprizo plej pozitiva okazis dum la meso en S-ta Antonio, kiun iom spite partoprenis ankaŭ multaj protestantoj. Origine ankaŭ por tiu tago oni antaŭvidis ekumenan diservon, sed tiu plano ne ricevis aprobon de episkopo Stimpfle. Pro la premiera prezento de oratorio por koruso, trombona orkestro kaj orgeno, la diservo iĝis kultura evento malofte spertebla dum UK. Fridolin Limbacher komponis, sur alta muzika nivelo kun uzo de moderne modernaj stilrimedoj, kvarpartan verkon "Gloro kaj Paco". La originala Esperanto-teksto en kelkaj lokoj tre efektuple enŝovas hebree, greke kaj latine iujn kriojn de la popolo. sm/ab

La komitato laboras
EKSPERIMENTO PRI MALMULTEKOSTA MEMBROKOTIZO

UK signifas multe da laboro al la Komitato de UEA, nia parlamento, kiu havas plurajn plenkunsidojn, la unuan el ili jam lastvendrede. Sian ĉefan rolon la komitato faras en diversaj komisionoj. Ĉar la decidoj plejparte estos farataj en la antaŭlasta kongresa tago, LA STROBILO ankoraŭ ne havas multan raporteblan. Se ni ne sukcesos raporti pri ili en nia lasta numero, tiam atendu la septembran numeron de "esperanto" de UEA, kie inter aliaj UK-raportoj vi povos legi ankaŭ pri la rikolto de la komitato. Dum la kongreso kiel novajn komitatanojn C la komitatanoj A (nomumitaj de la landaj asocioj) kaj B (elektitaj de la individuaj membroj) elektis Dai Song-en el Ĉinio kaj d-ron Victor Sadler el Nederlando. Post zorga preparado la komitato akceptis novan regularon pri TEJO, la junulara sekcio de UEA. La regularon antaŭe akceptis la komitato de TEJO en la IJK en Eringerfeld. La ĉefa enhavo de la regularo estas, ke ĝi difinas TEJO-n kiel integran parton de UEA kaj tiel forigas diversajn neklaraĵojn, kiuj ekzistis ĉirkaŭ la rilato UEA-TEJO. La komitato decidis ankaŭ pri nova membrokategorio "Membro kun Gvidilo" (MG), eksperimente por la jaroj 1986-88. La MG-kotizo estos ĉ. triono de la MJ-kotizo. Por tiu kotizo la membro ricevos 80-100paĝan depresaĵon de la Jarlibro de UEA, la estraran raporton kaj estos plenrajta individua membro de UEA. Oni aparte celas, ke la nova membrokategorio ligu al UEA geesperantistojn, por kiuj la nuna MJ-kotizo estas alta, kiel gejunuloj kaj personoj el landoj kun pagaj aŭ transpagaj problemoj.



La internacia ĥoro sub gvido de Dimitr Terziev (maldekstre) kantis por la aŭgsburga loĝantaro sur la urbodoma placo.

D-ro Max Josef Metzger eminenta esperantisto

Se vi atentas, vi trovas en la urbo de l' 70a UK monumeton de eminenta esperantisto, kiu tamen estas preskaŭ forgesita inter la esperantistaro: Sur la placo antaŭ la katedralo de Augsburg staras sur kolono busto de d-ro Max Josef Metzger (prononcu: Maks Josef Mecgr). Li naskiĝis en la jaro 1887 (do la sama jaro, en kiu Zamenhof publikigis sian lingvoprojekton) en Germanio, studis teologion kaj en 1911 iĝis katolika sacerdoto. En la unua mondmilito li estis arme-pastro - kaj el la spertoj akiritaj en tiu deĵoro estiĝis lia posta agado.

Dum la 6a Ekumena Kongreso, kiu okazis dum la semajno antaŭ UK en Augsburg, s-ro Walter Mudrak, kiu persone konis d-ron Metzger, faris tre interesan prelegon pri li. La kongresanoj vizitis instituton fonditan de Metzger en Meitingen, proksime de Augsburg. Tie li vivis dum la lastaj jaroj antaŭ sia mortigo. Ne estas loko ĉi tie, por detale priskribi la vivon kaj agadon de Metzger. Sed resume el la prelego de s-ro Mudrak ni atentigas, ke Metzger jam en la 20aj jaroj de ĉi tiu jarcento aktivis ankaŭ en la Esperanto-movado, tamen lia ĉefa celo ne estis la disvastigo de Esperanto, sed li uzis Esperanton por batali kaj por la paco kaj por ekumeno. Li estis vera pacifisto (vidu supre) kaj pioniro de l' ekumeno en tempo, kiam nek en la katolika nek en aliaj kristanaj eklezioj oni vere pensis pri tio. Precipe ankaŭ la katolikaj esperantistoj tiutempe ne plene akceptis la progresemajn ideojn de Metzger - ja eĉ estis multaj kvereloj inter li kaj la aliaj katolikaj esperantistoj.

Tia homo - konvinkita pacifisto - kompreneble estis suspekta en la okuloj de l' nazioj en la Germanio de Hitler. Kiel konate, la Hitler-reĝimo ankaŭ malpermesis Esperanton. Do Metzger - por ne troe riski - rezignis en la 30aj jaroj aktive uzi Esperanton, sed ĝis la fino li tenis kontaktojn al Esperanto-amikoj.

Plurfoje - ankaŭ en Augsburg - li estis en karceroj; fine en 1943 oni enkarcerigis lin en Berlino. Li estis akuzita antaŭ la fifama "popoltribunalo" de Freisler pro "ŝtatperfido" kaj kondamnita al morto. La 17an de aprilo 1944 oni ekzekutis lin. En 1968 oni transportis liajn ostojn el Berlino al Meitingen kaj tie entombigis lin. Ankaŭ la supre menciitan buston antaŭ la katedralo de Augsburg oni starigis je tiu okazo.

S-ro Mudrak fine de sia prelego en Meitingen diris pri Metzger: "Li ne mortis, li daŭrigu vivi ankaŭ per ni!"



D-ro Max Josef Metzger

Plej aktiva komitatano

La estraro de UEA lanĉis novan tradicion: ĉiujaran elekton de la plej aktiva membro en la Komitato, la plej alta gvidorgano de la asocio. La nomo de la distingito eniras la Oran Libron de la Komitato. Fred de Geus, Nederlando, komencas la vicon de la plej aktivaj komitatanoj. La estraro distingis lin pro liaj gravaj meritoj en la aŭtomatigo de la Centra Oficejo de UEA kaj de ĝia Grafika Centro, por kiu li oferis nekalkuleblan kvanton da vesperaj kaj semajnfinaĵoj. Li aktivis ankaŭ en la Komisiono pri Financo kaj Administrado kaj estas revizoro de la Komitato. Kaj se vi foje sendas uzitajn poŝtmarkojn al UEA, por ke ili estu venditaj favore al la Asocio, estis ĝuste Fred de Geus, kiu prizorgis tion. Gratulojn al Fred!

Jarkunveno de UMEA

Universala Medicina Esperanto-Asocio (UMEA) havis sian jarkunvenon la 6an de aŭgusto. Gvidis d-ro Imre Ferenczy, prezidanto de UMEA, partoprenis 48 gekolegoj el 13 landoj. La ĉeestantoj omaĝis pro la morto de d-ro Hideo Shinoda, honora prezidanto de la asocio. La UMEA-premion ĉi-jare ricevis d-ro Gábor Lázár (Romanio). UMEA deziras starigi konsultajn rilatojn kun Monda Organizo de Sano (MOS) kaj planas internacian konferencon en Krakovo dum la jubilea jaro.

Kunveno de MONATO

Kunveno de kunlaborantoj kaj abonantoj de la internacia magazino MONATO okazis 6an de aŭgusto; ĉeestis ĉ. 90 personoj, kiuj povis fari demandojn al la eldonanto kaj redaktoro. Oni faris plurajn interesajn proponojn kaj sugestojn; ĝenerale oni montris kontenton pri la nun denove bona perspektivo de la revuo.

Filmo pri la E-Jubileo Kunveno de TEĴA kaj ILEF

60 ĵurnalistoj, fotistoj kaj filmistoj el multaj landoj ĉeestis la kunvenon de Tutmonda Esperantista Ĵurnalista Asocio (TEĴA) kaj Internacia Ligo de Esperantistaj Foto-Kino-Magnetofon-Amatoroj (ILEF) la 6an de aŭgusto. Oni diskutis planojn - antaŭ la jubilea jaro - havigi profesie verkitan materialon por ĵurnalistoj kaj informi pli vaste pri Esperanto. Oni intencas kun la gazetara servo de UEA starigi Internacian Esperanto-Inform-Agentejon. UEA komisiis Donĉo Ĥitrov (Bulgario), Roman Dobrzyński (Pollando) kaj d-ron Ulrich Lins (FRG) produkti 16-milimetran koloran dokument-filmon pri la 100jariĝo de Esperanto. Oni petas ĉiujn, kiuj posedas filmajn materialojn pri Esperanto-kongresoj kaj aliaj aranĝoj, anonci sin ĉe la Centra Oficejo de ILEF (bul. Ĥristov Botev 97, BG-1303 Sofio, Bulgario) por helpi en kreado de ĉi tiu filmo. D.Ĥ.

Ceremonio Waringhien

En la publika kunveno de la Akademio (vendrede, je la 14a h.) okazos ceremonieto omaĝe al Prof. G. Waringhien. La editoro de lia festlibro "Li kaj ni", R. Hauptenthal, en mallonga parolo reliefigos la verkon de Waringhien kaj sian longjaran kontakton kun li. Poste li transdonos aparte binditan volumon.

Munkena Altlerneja E-Grupo

kunvenis la 4an de aŭgusto; ĉeestis ankaŭ eksterlandaj studentoj. Oni diskutis proponojn por agado por UK. Al Reinhard Föbmeier oni dankis pro lia laboro en preparado de la libro "Resonoj", kiu eldoniĝis kiel kontribuo al la 70a UK. Kiel bavaro Föbmeier donis gravajn kontribuojn al la Esperanto-traduko por pli bone ekkoni la vivon en la kongreslando. JP

LKK por 72a UK en Varsovio aprobita

La estraro de UEA aprobis ĵus la jenan membraron de la loka kongresa komitato de la UK en Varsovio:
Prezidanto: Lech Kosieniak
Vicprezidanto: Jerzy Leyk
Sekretario: Andrzej Kraszewski
Kasisto: Tomasz Pul
Loĝado: Aleksandra Chabrowska
Ekskursoj: Franciszek Kaliński
Artaj aranĝoj: Ewa Siurawska
Junularaj aferoj: Jarosław Parzyszek
Infana kongreseto: Bogdan Wawrzyńczyk
Enlanda informado: Zofia Banet-Fornal
Ekspozicioj: Tamara Roszak
Scienca konferenco: Ryszard Rokicki
Konkursoj: Wojciech Usakiewicz

GRAVA INFORMO POR LA PARTOPRENANTOJ DE LA POSTKONGRESO EN KRONACH

Dimanĉe, la 11an de aŭgusto, atendas vin la aŭtobusoj el Kronach en Fuggerstraße inter Königsplatz kaj la urba teatro-ejo antaŭ Justizgebäude.

Bonvolu tie esti tiel frue, ke ni povos ekveturi akurate je la 7.30 h!

Antaŭĝojante pri la renkonto la Kronaĥa Esperanto-Grupo

Antaŭ via forveturo nepre rigardu ankoraŭfoje la RENDEVUAN TABULON por vidi, ĉu estas por vi mesaĝoj aŭ poŝtaĵoj!

ATENTU, GERMANAJ KONGRESANOJ!

Sendu raportojn pri la UK aperintaj en germanaj gazetoj al Elsbeth Bormann (sendu laŭeble eltondaĵon aŭ fotokopion kaj ne forgesu indiki la fonton). Dankon!

Esperanto-Schnellkurs

de Hans Koch/Stefan Maul estas tiu kurso, kiu aperis antaŭ la UK en Augsburger Allgemeine kun bona efio. Vi povas aĉeti ĝin ĉe la fervoja giĉeto kaj ĉe la stando de MONATO.
Libro 10,00 DM
Kasedo 10,00 DM

LA INTERNACIA ĤORO
fondita la 5an de aŭgusto 1980 en Stokholmo, denove funkcias sub gvido de ĥorestro Dimitr Terziev. La 5an de aŭgusto ĉi-foje ekzercadis 54 ĝefhoranoj. Se ankaŭ vi deziras aliĝi, rapidu!

LIBROJ DE SEC

En la kongresa libroservo estas aĉeteblaj jam 9 verkoj eldonitaj lastatempe de la Scienca Eldona Centro de UEA. Aparte menciindaj inter ili estas la verko de d-ro Endre Dudich "Ĉu vi konas la Teron?" kaj la speciala numero de "Sciencaj Komunikadoj" pri komunikado kun artikoloj de prof. d-ro Helmar Frank, d-ro Werner Bormann, prof. B.A. Sherwood, AP. Witkam (DLT) kaj aliaj.

"La Pinto" ne ripetota sed eldoniĝos kasedo

Multaj homoj petis ripeti ankaŭ la kabaredaĵon LA PINTO. Tio bedaŭrinde ne eblas pro teknikaj kaj personaraj problemoj. Sed la spektaklo estas filmita per vidbenda kamerao; ĝi probable estos havebla en aŭtuno kiel kasedo. Turnu vin al la redakcio de MONATO.

Kunsido de blinduloj

La kunsidon de LIBE (Ligo Internacia de Blindaj Esperantistoj) ĉeestis 30 personoj, inter kiuj 15 vidantoj.

Bona por blindaj esperantistoj estas la novaĵo, ke ĵus aperis 10-voluma "Plena Analiza Gramatiko", preskaŭ egalpreza kiel la vidula eldono, dank' al donacoj.

Por faciligi al blinduloj partopreni en la movado, baldaŭ aperos faldfolio, kiu samtempe prezentos la agadon de LIBE. Libreto pri kontaktoj kun blinduloj "Ne Tiel Sed Ĉi Tiel" estas aĉetebla en la Libroservo.

Kutime ankaŭ en la Esperantomovado oni estas superŝutata per informoj, sed por blinduloj mankas informiloj. Vidantoj povus helpi per voĉlegado. Tamen, aperas "Esperanta Ligilo" la brajla organo de LIBE kaj diversaj landaj revuoj, ekzemple nova en Bulgario.

Ankaŭ vidantoj helpu informi LIBE pri izolitaj blinduloj, ĉu komencantoj, ĉu esperantistoj, kaj tiujn pri la apero de revuoj sur kasetoj: "Esperanto" kaj "Monato" (kontakto kongresanon 202, s-inon Reinders). Multaj laŭdis la ĝustatempan surkasetan kongreslibron kaj la brajligitan programkajeron. Aliflanke la Estrara Raporto en la **junia numero de la revuo** malebligas partoprenon en la Ĝenerala Kunsido, ĉar voĉlego okazas monaton post la apero. La fondaĵo "Eroŝenko", al kiuj pluraj kontribuis, ebligis havigi librojn (kiel la jam menciitan PAG) al bibliotekoj kaj aktivuloj en netranspagipovaj landoj. En la jubilea programo troviĝas brajlaj gramatikoj por arabkaj por svahil-lingvanoj.

Fina demando: ĉu **post** la Internacia Jaro de Handikapitoj (1981) en UK-programoj troviĝis handikapitaj artistoj kaj prelegantoj?

Poŝtistoj kunvenis

La 16-a ĉefkunveno de IPTEA (Internacia Poŝtista kaj Telekomunikista Esperanto-Asocio) okazis lunde.

Dipl.-inĝ. Veikko Mäki-Luopa prelegis pri la evoluo de la internacia teleskribil-abonanto aŭ tiel nomata telekso-servo, kiu fariĝis 50-jara jam en 1984, sed tiujare IPTEA ne kunvenis. Li konstatis, ke en la tuta mondo nun ekzistas 1,5 milionoj da abonantoj. La plej granda telekso-lando estas Usono (170 000 abonantoj), sed plej multe da abonantoj je 100 000 enloĝantoj tamen havas Svislando (570). Poste sekvas inter alie Singaporo (560), la Unuiĝo de Arabaj Emiratoj (400) kaj Hongkongo (350). La duonon de la tutmonda abonantaro havas Eŭropo, kvaronon Ameriko kaj okonon Azio.

La kunvenon ĉeestis 9 personoj el 6 landoj.

Programo de la INTERNACIA ARTA VESPERO vendredo - 20a horo

Susanna Castel: kanzonoj el la "Trigroŝa Opero" de Bert Brecht

Maria Durys/Marian Ĉarkowski: kabaredo "Viro kaj Virino"

Sara Su Jones: violon-konzerto a-minor de Viotti

Maria Angelova: kantoj internaciaj

Anna Kiss: kantoj mondkonataj

Piano: **Erika Becht**

MONATO

internacia magazino sendependa daŭre serĉas pliajn kunlaborantojn.

Se vi havas intereson, venu al la stando de MONATO.

Naturamikoj detale informis

Pli ol 80 kongresanoj partoprenis je lundo la kunvenon de la Turista Asocio "La Naturamikoj" - Esperanto-Fako (TANEF). Kiel **ne-esperantista** organizaĵo kun 350 000 membroj en 15 landoj la asocio praktike uzas la internacian lingvon de post 1946. De tiu dato ĝi havas kotizmarkon **nur** en Esperanto. S-ro Walter Poppeck, fakgrupoestro por FR Germanio, atentigis aparte pri la revuo "La Migranto", sola fakrevuo de la naturamika movado. Venontjare okazos Internacia Feriosemajno de la 9-a ĝis 16-a de aŭgusto 1986 en la moderne ekipita Naturamika Domo en Bodman apud la Lago de Konstanco. Informojn petu de: F. W. Poppeck, kongr.-numero 700.

Akademio de Sciencoj

Dum speciala kunsido de la Akademio Internacia de Sciencoj (AIS) informis s-ro Venturini, la delegito de la ministro pri kulturaj aferoj de San Marino, ke la laŭjura fondo de la jam laboranta Esperant-lingva akademio okazos dum la unua semajno de septembro 1985. Oficialaj kunfondantoj povas esti ĉiuj laŭjure memstaraj sciencaj institucioj (asocioj, institutoj, ...) same kiel entreprenoj (ekz. eldonejoj), kiuj jam uzis - nure aŭ inter alie - Esperanton pro sciencaj celoj. Pro la urĝeco de la afero kongresanoj estas petataj informi la ĉeestantajn membrojn de la Alta Akademio de AIS - prezidanton prof. Pennacchietti (kongresnumero 842) aŭ prof. Frank (kn 161) - pere de la Rendevua Tabulo pri nomoj, adresoj kaj koncernaj meritoj de tiaj organizaĵoj, ĉeestantaj reprezentantoj de ili bonvolu senpere kontaktiĝi pri detaloj kun unu el la du AIS-reprezentantoj.

Bona Espero

La amikoj de Bona Espero kunvenis mardon matene en urba restoracio. Por ili estis certe surprizo renkonti krom s-ron Victor Sadler ankaŭ gesinjorojn Grattapaglia, kiuj ĵus estis alvenintaj. Triope ili detale respondis ĉiujn demandojn pri tiu bieno-lernejo. Interesitojn informas: Margret Brandenburg, kongresnumero 1055.

Bahaa Esperanto-Ligo

62 kongresanoj el 14 landoj ĉeestis la kunsidon de Bahaa Esperanto-Ligo. Piere Bellebono montris lumbildojn pri la vivo de Lidia Zamenhof kaj ŝia aliĝo al la bahaa religio. Informis: Roan Orloff Stone, 1272.

Ekonomikistoj: IKEF fondita

Marde pli ol tridek ĉeestantoj el almenaŭ 10 landoj solene adoptis la statuton de Internacia Komerca kaj Ekonomia Fakgrupo. La nova kvinmembra estraro ellaboros agadprogramon.

ILERA parolas kun tuta mondo

Pere de la amatora kongresa radio-stacio oni sukcesis kontakti esperantistojn inter alie en Francio, Svedio, Brazilio, Usono, Argentino, FR Germanio, Germana DR, Nederlando, Rumanio, Ĉeĥoslovakio kaj Soveta Unio. Interesuloj bonvolu viziti la stacion por pliaj informoj; ĝi situas proksime al salono Wingen. Informis Hans Welling, DJ4PG, kongr.-numero 1033.

200 legantoj ĉe "EPC"

Merkrede kunsidis proksimume 200 legantoj de la revuo "El Popola Cinio". La kulminan nombron ne atendis ĝia ĉefredaktoro s-ro Xu Shansu, kiu gvidis la kunsidon. Nemalmultaj legantoj laŭdis en amika etoso la progreson de EPC kaj donis sugestojn por ĝia pliboniĝo. Inter la ĉeestantoj troviĝis s-ro William Auld kaj kelkaj aliaj, kiuj abonis la gazeton jam de ĝia unua numero. Dume oni ankaŭ prezentis opiniojn pri Radio Pekino. Antaŭ la komenco de la kunsido la ĉeestantoj ricevis donaceton de ĉinaj samideanoj.

Kunvenoj de gejoj

Jam sabaton vespere, la 3-an de aŭgusto, 24 anoj de L.S.G., la Ligo de Samseksamaj Geesperantistoj, el 12 landoj renkontiĝis por interkona vespermanĝo en restoracio "Arena", kaj poste por dancado en geja diskodancejo "Adonis" ĝis la 2-a matene. Dimanĉon vespere ili denove renkontiĝis por sia oficiala jarkunveno en la Evangelia Studenta Komunumo Augsburg, invitite de la loka geja grupo.

Forstistoj aktiviĝas

Lunde renkontiĝis "Internacia Forstista Laborgrupo Esperant-lingva", kiu preparas jam detri jaroj forstfakan terminaron 17-lingvan kun klarigoj en Esperanto, kaj eldonas fakbultenon "Forstista Informilo". La kunveno decidis aranĝi specialan renkontiĝon kadre de la 72-a UK en Varsovio. Helpemuloj estas bonvenaj. Kontakto kongresnumeron 1284: Johann Pachter.

Nova Himno al la Paco


La 2000jara jubileo de Aŭgsburgo inspiris multajn loĝantojn al plej diversaj iniciatoj. Inter ili elstaras **Andreas Knoll**, eksinstriisto gimnazia. Li verkis novan "Himnon al la Paco" kaj komponis la melodion. La tekstojn li igis traduki en plurajn lingvojn, eĉ la ĉinan. Kiam li vidis la Esperanto-kurson en la loka ĵurnalo Augsburgener Allgemeine, li petis Stefan Maul, traduki la himnon en la internacian lingvon. Lia ideo estis, ke oni uzu ĝin dum la Unversala Kongreso. LKK akceptis lian proponon kaj petis la internacian floron, lerni la himnon kaj prezenti ankaŭ dum la manifestacio sur la urbodoma placo la 7an de aŭgusto. Sed eble estos ankaŭ aliaj okazoj dum la kongreso por kanti la ĉi tiun himnon.

Jen la teksto:

1. Paco, ĝoj' por ĉio viva, por popoloj sur la ter', por valor' de hom' aktiva vi, fieraj ja esper'.
- R. Sen la venĝo, sen envio devas reestiĝi am'. Lumu, ridu, pac' en pio, ne do nin forlasu jam!
2. Konservigu, homojn benu, kiuj agas bone, por disputantoj ankaŭ penu, ke armiloj iĝu for!
3. Paco, ĉu vi restas ade? Riĉajn landojn igu do el profit' dividi frate kun malriĉaj po kaj po!

junuloj instruis "bambison"

Dum la lastaj horoj de la balo, jam post noktomezo en la unuaj horoj de mardo, la junuloj portis iom da IJK-etosa viglo al la solena UK-programo. Ili konvinkis la orkestron ludi la melodion de "La Bambino" kaj instruis al la ĉeestantoj, ke por tiu danco oni formas grandan cirkolon. La ĉirkaŭ 10 % kiuj ne kundancas en la cirklo eniras ĝian mezon kaj devas trovi partneron de la alia sekso, kies vangojn oni kisas trifoje por poste transpreni la lokon de la kiso kaj sendi lin aŭ ŝin en la arenon meze de la rondo por mem trovi novan partneron. Pro la vigla eĥo al tiu etosiga danco la orkestro devis plurfoje ri-peti ĝin.



LA STROBILO

KONGRESA KURIERO DE L' 70a UNIVERSALA KONGRESO DE ESPERANTO EN AUGSBURG 1985

sub la aŭspicio de MONATO internacia magazino sendependa, Antwerpen/Augsburg

Internacia redakcio sub gvido de
Stefan Maul, Thomas Bormann kaj Paul Peeraerts

N-ro 6
sabato, 10 aŭgusto

SENTEBLA MANKO DE ESPERANTO-INSTRUISTOJ

Tago de la Lernejo: Kiel disvastigi E-instruadon?

Mardon, la 6an de aŭgusto, de la 9a ĝis la 16a h okazis la 4an fojon tiu ĉi pedagogia programo. La ĉi-jara kadrotemo estis "Kiel disvastigi Esperanto-instruadon?"

Post malfermo fare de B Ragnarsson kaj post salutvortoj de reprezentanto de la kultur-ministerio de Bavario, s-ro Luchner, sekvis 8 mallongaj raportoj pri la stato de E-instruado en diversaj landoj kaj kontinentoj, nome Afriko (Ruando), Ameriko (Usono), Azio (Ĉinio, Irano) kaj Eŭropo (Islando, FR Germanio, Hungario, Pollando). La raportojn oni prezentis laŭ unueca skizo. Evidentiĝis, ke la situacio de E-instruado estas pli ol diversa: en kelkaj partoj de la mondo oni eĉ ne scias pri Esperanto, en aliaj ĝi estas kvazaŭ privata afero, en aliaj la ŝtato forte apogas ĝin, en kelkaj la movado ne povas kontentigi la intereson de la lernemuloj.

Sed preskaŭ ĉie la komuna problemo estas la manko de sufiĉe da Esperanto-instruistoj, fake altnivele edukitaj. En la programo estis antaŭviditaj 3 model-lecionoj, el inter kiuj realiĝis nur 1 fare de s-ino Stefanie Tucker, kiu sukcese prezentis, kiel apliki Esperanton en instruado de geografio.

B. Ragnarsson prelegforme prezentis, kiel instrui poezion (analizi poemon) en kurso por lingve evoluintaj plenaĝuloj. La 3a model-leciono pri gimnastiko - pro organizaj kialoj - bedaŭrinde forfalis. La partoprenantoj prave riproĉis pro tio.

Diskuto sekvis prelegojn kaj lecionojn. Pluraj instruistoj pledas por organizi internacian someran lernejon por geknaboj, laŭeble dum UK-oj aŭ proksime al UK.

Pluraj demandoj venis pri serioza centra organizo de koresponda servo por lernejoj kaj pri facile akirebla kaj bone uzebila infan-revujo (eble redaktota kaj produktota fare de infanoj).

La unuan fojon okazis, ke la tuta estraro de ILEI partoprenis la Tagon de la Lernejo kun informa kontribuo de ĝia nova prezidanto, profesoro d-ro I. Szerdahelyi, kiu - en la nomo de la ligo - deklaris pretecon strikte kunlabori kun UEA, precipe kun ĝia eduka komisiono. Tiurilate li jam havis plurajn laborkunsidojn kun s-ro Ragnarsson, kiu kun ĝojo akceptas komunan plenumon de instruaj/edukaj taskoj.

La interesiĝo pri la Tago de la Lernejo estis multe malpli granda ol en Antverpeno kaj Budapeŝto. Partoprenis ĝin ĉ. 150 personoj. Probable estus inde en la estonteco anticipe enketi, kiuj temoj plej interesas la kongresanojn, instruistojn kaj kursgvidantojn. Z. Barcsay

sed fakte instigis kelkajn homojn tuj lerni Esperanton. La plej konvinka eldiro de ĉeestintoj estis, ke ili tiom forte sentis la etoson de la interpolaj kompreniĝo kaj amikeco, ke oni rajtas nomi ĝin "realigita utopio".

Ni uzu la internacian lingvon kiel eble plej ofte, por ke tiu realigo de utopio daŭru pli longe ol la kongresa semajno kaj disvastiĝu tra tuta la mondo. Jomo

Ekskursintoj dankas

Alvenis ĉe LA STROBILO multaj dank-esprimoj pri la tutaj kaj aliaj ekskursoj, organizitaj de Stefanie Tucker; ĉiuj okazis sen paneoj kaj akcidentoj. Aparte sukcesaj evidente estis la ekskursoj al la norda regiono, kies partoprenantoj ĉe la fino eĉ ĝuis folkloran programon. Domaĝe, ke en LA STROBILO mankas spaco por detalaj raportoj.

Entute estis 35 busoj kun ĉ. 1800 partoprenintoj. En kelkaj ekskursoj salutis urbestroj kaj intervjuis ĵurnalistoj. Danke al la de s-ino Tucker bone preparita materialo kaj la kapablaj ĉiĉeronoj ĉio bonege funkciis.

Realigita utopio

La publika prezento de Esperanto ne nur svingigis la spektantojn sur la urbodoma placo,

Ege sukcesa IKU-sesio

De la ĉi-jare antaŭviditaj 10 prelegoj de la Internacia Kongresa Universitato (IKU) nur unu ne okazis pro la bedaŭrinda forresto de prof. Isaev. Anstataŭ li podia diskuto, gvidata de d-ro Maitzen okazis pri la antaŭvidita temo: du-lingveco.

La ĉ. 120 sidlokoj de salono Wingen preskaŭ ĉiam estis okupitaj kaj multaj stare devis sekvi la prelegojn. Dufoje eĉ devis okazi alisaloniĝo pro la multe tro granda amaso da interesitaj aŭskultantoj, nome ĉe la plilumo de la lingvaj fontoj de Esperanto fare de prof. Eichner kaj kiam prof. Tonkin konfrontis antikvon kaj modernon en la literaturo.

La prelegoj estis ĉiam alt-nivelaj, kaj lingve, kaj enhance. Estus malfacile elstarigi unu, du aŭ tri prelegojn. Tamen menciindas aparte vigla prelego, nome tiu de d-ro Wandel, la plej juna preleginto kiu traktis pri la universo ekde ties praeksplo.

Petleteron al la ministro pri eksterlandaj aferoj de FRGermanio (membro de la Patrona Komitato de l' UK) subskribis ĉ. 100 partoprenantoj de IKU el ĉiuj landoj de l' Eŭropa Komunumo. Ili petis, ne tuŝi la ĝisnunan egalrajtecon de la oficialaj lingvoj de la EK-landoj, kiel antaŭvidite en la Traktato de Romo, sed antaŭvidi plifaciligon de la estonta komunikado per subteno de la sciencaj klopodoj koncernej, precipe de la kontribuo de la interlingvistiko al aŭtomata tradukado kaj al la scienco-

AKTUALE

Vetero: atendas nin sufiĉe somera semajnfino kun iom da pluvo.

Sudafriko: La tumultoj en la regiono de Durban daŭras kaj igis intertempe jam morti 55 homojn; ĉ. 400 homoj grave vundiĝis. Batalis inter si nigruoj, hinddevenaj loĝantoj kaj soldatoj.

Togo: Papo Johano Paŭlo 2a dum la unua etapo de sia vojaĝo tra sep afrikaj landoj akceptiĝis hieraŭ entuziasme en Togo. Li renkontiĝos en Afriko ankaŭ kun pastroj de natur-religioj.

Urĝa peto al fotografoj

Ni petas tiujn kongresanojn, kiuj fotis la prezenton de la Aŭgsburga Kretocirklo, nepre sendi fotojn al la redaktoro de MONATO (S. Maul, Pferseer Str. 15, A-8900 Augsburg). Dankon!

IJK en 1986 en Israelo

Inter la 14-a kaj 21-a de aŭgusto 1986 TEJO kongresos en Neŭrim en Israelo ĉe la mediteranea marbordo. Eblas ankoraŭ aliĝi ĉe la TEJO-budo.

Dum la jubilea jaro, en 1987, la IJK okazos en Krakovo, Pollando.

cela uzado de la Internacia Lingvo.

La IKU-prelegoj, kiuj estos publikigitaj ĉu kopie haveblaj de UEA, konsistigas gravan kontribuon al la evoluigo de la internacilingva fakterminaro.



La 70a UK en Augsburg - ankaŭ pro la ligiteco al la 2000jara jubileo de la urbo - sendube restos en bona memoro de la pli ol 2300 kongresanoj. Jen la kongresejo kun kelkaj gravaj personoj de ĉi tiu UK (de maldekstre): LKK-prezidanto Röhl, la UEA-estrarano Umeda (respondeca pri la pacotago), prezidanto Maertens kaj ĉefurbestro Breuer kun la festparolinto Tonkin.

hodiaŭ
estas lasta ebleco aboni en
ĉi tiu kongreso la revuon

MONATO

Anstataŭ reŝanĝi al via nacia valuto, uzu la restantajn germanajn markojn por pagi abonon de 1986 je la tarifo de 1985! Vizitu nin en la stando de MONATO!

FAVORA OFERTO LOGIS AMASE JUNULOJN AL LA UK

Granda parto de la partoprenintoj de la Internacia Junulara Kongreso (IJK) en Eringerfeld vojaĝis suden al Augsburg, 35 eĉ per biciklo.

Logis interesa oferto: senkosta partopreno en la programo de la UK por IJK-anoj kaj mal-multekosta tranoktebleco en la lernejo tuj apud la kongresejo. La sukceso pravigis la klopodojn, interesigi gejunulojn por UK: la 170 litoj en la lernejo ne sufiĉis por ĉiuj venintoj. Tamen la organizantoj sub gvido de **Michael Scherm** ĉiam trovis iun solvon.

Oni eĉ ofertis favorprezajn varmajn manĝojn. Ne nur gejunuloj ĝojis pri la bona ebleco zorge trakti la malabundan vojaĝ-kason; ankaŭ multaj "ordinaraj" kongresanoj uzis la eblecon kaj malkovris per tio la buntan aron en la lernejo. Krom la riĉa kongresa programo la gejunulojn atendis specialaj "jun-eroj"; ŝerca serĉpromenado tra Augsburg ne nur instruis pri la graveco de supersignoj en Esperanto, sed igis la 50 konkurantojn malkovri la urbon. Ekskurso al la koncentrejo Dachau celis pensi pri la teruraj okazintaĵoj sub la Hitler-reĝimo. Okazis aranĝoj "TEJO sin prezentas" kaj junulara forumo, kiujn kongresanoj de ĉiuj aĝoj vigle partoprenis. Kvankam klopodo eldoni numeron de speciala junulara kongresa gazeto ne realiĝis, la partoprenantoj en seminario tamen profitis de multaj konsiloj pri gazetfarado. Vizito al la redakcejo kaj presejo de Augsburger Allgemeine intensigis ilin.

Je la ĵaŭda vespero 350 UK-anoj ĝuis junularan vesperon, relative spontanee organizitan post kiam la origina junulara vespero je lundo apenaŭ efektiviĝis. Lertaj junularaj kantistoj prezentis altnivelajn muzikaĵojn, la ĉeestantaro ofte kunkantis kaj fine eblis spekti skeĉojn. Post la vespero la vigla programo daŭris en la kelo de la lernejo, kiun oni tuj baptis "Holiday Out". Oni dancadis en ankaŭ spontanee organizita diskoteko, kiu nur ĉesis post la 4-a horo matene. Pro la bona sukceso tiu diskoteko denove okazis pasintnokte. Jen la vigla etoso de la Internacia Junulara Kongreso ankaŭ aperis en Augsburg.

Resume la junularo danke bonvenigis la eblecon partopreni en UK sen tro da financa ŝarĝo. La UK ne nur estas unika ebleco kunigi homojn el plej diversaj fonoj lingvaj, naciaj kaj kulturaj, sed ankaŭ de diversaj aĝoj. Tio estas des pli grava, ĉar ĝi garantias la generacian kontinuecon de la Esperantomovado kaj helpas solvi la orientiĝon de la mezaĝa "intergeneracio". Pro tio ankoraŭ pli forta partopreno kaj integriĝo de junaj esperantistoj en la UK estas dezirinda.

Espereble la pli maljunaj kongresanoj opinias same, por kela modelo de Augsburg kiel "junulara UK" ripetiĝu. Multaj junuloj esperas, ke en ankaŭ en Pekino eblos kunloĝi en tia "amasloĝejo", ekzemple en ler-

nejo aŭ en gimnastikejo sur matracoj. Pri tio speciale ĝojus la junuloj, ĉar ili kutime ne havaŝ tiom da mono.

Esperanto-domo

YU-79285 Gornja Sanica
invitas vin de 15a de aŭg ĝis
17a de sep 1985 al
rekonstruo de la domo >
laboreti, manĝegi, propagandi.

Esperanto-domo

Dreifert Rosi, Burgstr. 1,
Husen, D-4791 Lichtenau
tel. 052921737

Nepre antaŭe telefonu!

El la komitato de UEA:

Du novaj kunlaborantaj asocioj

La komitato de UEA ŝvite laboras. La vendreda plenkunsido tamen komenciĝis per eta solenaĵo: d-ro Imre Pethes, prezidanto de Mondpaca Esperantista Movado, transdonis honoran insignon de MEM al G. Maertens, H. Tonkin kaj R. Corsetti.

La financoj de la Asocio postulis multe da tempo en la kunsidoj, ĉar la pasintjara deficito kompreneble maltrankviligis la komitatanojn, same kiel la antaŭvidita deficito ĉijare. La komitato akceptis la spezokonton kaj bilancon de 1984, sed la buĝeto 1986 atendas la sabatan kunsidon. Kun kontento la Komitato konstatis tre pozitivan financon rezulton de la Universalaj Kongresoj en Budapeŝto kaj Vankuvero kaj akceptis iliajn kontojn.

UEA havas nun du pliajn kunlaborantajn fakajn asociojn, ĉar la Komitato akceptis kiel tiajn la Esperanto-Propagandan Centron de Oomoto (en la kategorio neneŭtrala) kaj Filozofian Asocion Tutmondan. Estis pritraktita ankaŭ la peto de Monda Turismo fariĝi aliĝinta faka asocio de UEA. La decido tamen estis prokrastita kaj Monda Turismo restas kunlaboranta asocio.

Verdula agado por Esperanto

Asocio de Verduloj Esperantistoj (AVE) dum sia kunveno efike plilarĝigis sian bazon. Oni decidis prepari informfoliojn nacilingvajn kaj en Esperanto. La 25 germanaj esperantistaj verduloj estas surfoje al propra laborgrupo en la partio "Die Grünen", kiu - subvenciata de la partio - stariĝos lingvokursojn por partianoj. Komisiono de ĉi tiu laborgrupo ellaboros precizajn eldiraĵojn pri la pontecaj trajtaroj de la pontolingvo Esperanto kaj la pontoscienco ekologio. Vendrede AVE prezentis dum trihora preleg-serio la ekologian argumentadon por pliampleksigo de la UEA-statuto per ekologia amendo; ĉ. 45 ĉeestantoj bone akceptis ĉi tiun neformalan informadon.



Pro la grandioza sukceso de l' unua prezentado, Bulgara Esperanto-Teatro duan fojon prezentis la "Kretocirklon" ĵaŭde. Sur la foto juĝisto Dollinger kun la vera patrino.

ATENTU:

Dum la marda kunveno oni disdonis liston de la **Eŭropa Parlamenta Esperanto-Grupo**, en kiu bedaŭrinde estis du eraretoj. Bonvolu korekti la du lastajn antaŭnomojn. La ĝusta versio estas: Pisoni, **Nino** kaj Novelli, **Diego**.

Bibliotekistoj

Pro neĉeesto de la organizanto s-ro King (Britio), la kunvenintaj bibliotekistoj kaj interesatoj (ĉ. 20 personoj) decidis peti lin, sendi al ili la proponojn. Krome helpos bulteneto, provizore prizorgata de R. Moerbeek (k. n-ro 203).

Kvakeroj

La Kvakera Esperantista Societo kunvenis por aŭskulti paroladon de Frank Sharman pri la kvakera vidpunkto kaj kiel ĝi kondukas al laboro por interhoma kompreno kaj paco. Sekvis diskuto sub gvido de Sally Phillips kaj la aranĝi finiĝis en mallonga silenta adorkunveno.

Sukcesaj Cseh-aranĝoj

La Cseh-kurson por komencantoj partoprenis komence 17 personoj el 11 landoj, sed ĉe la fino estis 35 el 14 landoj. Do ripetiĝis la konata fenomeno de duobliĝo, kiu konfirmas, ke Cseh-metoda instruado daŭre alportas bonajn rezultojn. La kurson profesi-nivele gvidis Stefano Keller.

La Cseh-seminarion partoprenis 23 personoj el 16 landoj. La seminarianoj konatiĝis kun la moderna Cseh-metodo, kiun praktikas precipe Kultura Centro Esperantista en Svislando.

Tutlastaj aliĝoj

2310 **Dobrzynski,**
S-ro Roman, Majdańska
13/91, 04-088 Warszawa,
Pollando.

2311 **Pulver, s-ro Norbert,** Leipziger Str.1, D-6369 Schöneck, FRGerman.

Korekto

La adreso de s-ro Stanislawo Stolc estas: Sarbsk 17, 84-352 Wicko.

FAT prosperas

Filozofia Asocio Tutmonda (FAT) ja arigas nur ĉirkaŭ dek profesiajn filozofojn-esperantistojn, sed kunlaboras krome plia centoj da interesitoj.

Dum la aŭgsburga kunveno oni emfazis, ke la celo de la asocio estas krei filozofian literaturon en Esperanto. Tri tradukoj de klasikuloj kaj tri originalaj verkoj jam aperis.

Venontjare okazos simpozio de FAT en Ateno kaj kadre de la UK en Pekino.

Rendevuu kun astronomio

La IKU-prelego de d-ro Amri Wandel pri astronomio estas havebla ĉe la rendevua giĉeto.

Fervojistoj vizitis ekspozicion en Nurenbergo

Kontaktkunvenon de IFEF (Internacia Fervojista Esperanto-Federacio) sub gvido de Joachim Gießner ĉeestis 67 personoj el 17 landoj. Gießner menciis, ke la fervojista stando en la kongresejo multe helpas kaj al la kongresanoj kaj al la stacidomaj giĉetoj, ĉar centojn da informpetoj kaj mendoj oni ordigis en la oficiala DB-stando.

Inĝ. I. Gulyás raportis pri la 37a IFEF-kongreso en Vejle kaj emfazis la fakan laboron. G. Ritterspach per diapozitivoj informis pri la vizitota ekspozicio de 150jara DB en Nürnberg. Trajne la partoprenantoj veturis tien kaj spektis ege interesan krozadon de 150jara evoluo de DB - per bildoj, lokomotivoj, vagonoj, modeloj, eĉ de historiaj personoj - kaj riĝardon en la estontecon.

*
* **LA STROBILO** *
* **adiaŭas kaj dankas** *
* La internacia redakta tea- *
* mo de la kongresa kuriero *
* esperas, ke per ĝiaj modes- *
* taj rimedoj ĝi tamen povis *
* kontentigi viajn bezonojn. *
* Ni dankas al la multaj ne- *
* nomitaj kunlaborantoj, ra- *
* portantoj kaj helpantoj. *
* Ni ĝojos, se vi postkongre- *
* se komunikus viajn kriti- *
* kojn al la adreso de S. *
* Maul aŭ tiu de LKK. *
